

# YO MOGOLWANE

## GO SALOMO O FA



“Ke a dumela.” A re feleng re eme bjale dinakwana di se kae, ge re inamiša dihlogo tša rena. Ke a makala, ge re sa ne dihlogo tša rena di inamišitšwe, le dipelo tša rena, gore ge go na le kgopelo ye e itšego ya go ikgetha bošegong bjo yeo o ka e nyakago go Modimo, selo se sengwe sa go ikgetha, o tla e dira e tsebje ka seatla sa gago se se phagamišitšwego. O tseba feela se o se hlokago bjale. Ka pelong ya gago, e no nagana ka se e lego sona.

<sup>2</sup> Tate wa rena wa Legodimong, re thabile kudu bošegong bjo gore re na le monyetla wo mobotse wola wa go re “Tate” go Mohlodi wa magodimo le lefase. Gomme re thabile kudu go tseba gore re kgobokane mo bošegong bjo ka mafelong a Magodimong ka go Kriste, Morwa wa Gago. Gomme O tshepišitše gore ge re ka kgopela e ka ba eng Leineng la Gagwe se tla fiwa. Morena, O—O bone seatla se sengwe le se sengwe seo se ilego godimo. O—O tseba se se bego se le ka morago ga seatla sela. Go bile le kgopelo bakeng sa se sengwe, gomme ke neela thapelo ya ka mmogo le tša bona. Ka tumelo bjale re tla godimo go Terone ye kgolo ya mathakga ya Modimo. Fale, ge re bona Madi a Morena Jesu a robetše kua godimo ga aletara, go dira nnete gore kgopelo ya rena e arabilwe. Selo se tee feela se šetšego: ge re ka dumela gore re amogela se re se kgopelago, gona se tla fiwa. Thuša gosedumele ga rena.

<sup>3</sup> Gomme, Tate, re a rapela bošegong bjo gore ge re bula Lentšu, gore O tla Le utolla go rena. Ke Wena Yo a Le ngwadilego, gomme re a rapela gore O tla Le dira le tsebje go rena. Gomme ka gona o tla magareng ga rena le go Le phela ntle le go netefatša Wenamong, gore ka go iri ye ya phihlelelo ye kgolo ya saense, gomme ge kereke e tonya le go ya ka dibopego le dithutotumelo, gore O dula o swana go bao ba Go dumelago go ba wa go swana, gore O Modimo wa go swana yo a tšholletšego maatla ntle ka Pentecost. O Modimo wa go swana yo a sepetšego le barutiwa, Yena yo a bego a na le Moshe ka lešokeng, gomme O a swana bošegong bjo. Re šegofatše mmogo bjale ge re kopanela go dikologa Lentšu. Leineng la Jesu Kriste re a e kgopela. Amene.

Dulang.

<sup>4</sup> Bjalo ka mehleng, go e tšea monyetla wo mogolo go ba moo batho ba Modimo ba kgobokanego mmogo, ka gore ke na le nnete gore Kriste o magareng ga rena. Gomme re leboga Morena Modimo ka go kwa pego ye botse ya mantšiboa a go feta, gomme

go sa bontšha gore Modimo o fodiša balwetši le batlaišwa. Gomme bjale go na le . . . Ge re ka no boloka menagano ya rena e iketlile go Kriste, le go tseba Bogona bja Gagwe bo fa, le gore O šetše a le boloketše tšhegofatšo ye nngwe le ye nngwe ya topollo yeo A e hwetšego. Ke ya lena. Sohle le swanetšego go se dira ke go e dumela.

<sup>5</sup> Gomme bjale re a tshepa gore le bile le khutšo ye botse lehono. Gomme le . . . Ke leka go le ntšha bošegong bjo, feela ka pela ka mo go kgonegago. Gomme ka gona gosasa bošego, go beng Labone bošego; gomme morago Labohlano bošego; gomme morago Mokibelo mosong, difihlolo.

<sup>6</sup> Ke nyaka go kgopela phuthego bošegong bjo kgopelo go tšwa go Ngwanešu Carl Williams, ka go lekala la Phoenix, mopresitente wa lekala la Phoenix. Tatagwe wa mengwaga ye masomeseswai tlhano bogolo o bile le strouku morago ga sekgalela se. Gomme o be a swanetše go ba mo bošegong bjo. Gomme o ile a swanela go fofela godimo leboa felotsoko, go bona tatagwe. Gomme ke ile thapelong bakeng sa moisa wa kgale gonabjale. Dibeke di se kae tša go feta ke be ke na le yena, o be a phela kudu go feta morwa wa gagwe, godimo ka Albuquerque moo re bilego le khonferense. Gomme bošegong bjo o a robala, strouku, bogolo bja mengwaga ye masomeseswai tlhano. Eupša ke dumela ka pelo ya ka yohle gore Modimo o ya go tloša strouko go tloga go yena. Ke—ke—ke a e dumela, le a bona, ka gore ge ke be ke le thapelong ke—ke be ke no kgona go mmona a sepela. Gomme o—o . . . Ga o strouku, ge o kgona go sepela, o a tseba. Kafao, o, ke—ke a tseba o ya go kaonafala, ge e se go fola.

<sup>7</sup> Gomme re leboga kudu bakeng sa tu—tu tumelo, bohlatse, se sengwe le rena seo se re botšago, gomme re a tseba. Ga go sa na mošomo wa go thanka ka go yona. Re bile, lebaka la mengwaga, Lentšu la Modimo. Bjale re na le Modimo wa Lentšu, le a bona, gomme thwi mo o phela Lentšu la Gagwe. Kafao ke therešo, le lengwe la maswao a magolo a mafelelo ao a tshepišitšwego go Kereke pele ga go Tla ga Morena.

<sup>8</sup> E sego kgale go fetile, morwa wa ka le nna re ile . . . ile ka Bombay, India, moo ke naganago re bile le pitšo ye kgolokgolo ya aletara nkilego ka ba le Morena go e dira ka dikopanong tša rena. E be e le . . . Ga se re kgone go akanya ke ba bakae ba tlilego go Kriste, gobane e akanyeditšwe go dikologa seripa sa milione ka go kgobokano e tee, e ka ba dikete tše makgolotlhano. Gomme go be go le nako ye kgolo ye boima go yona. Gomme go be go le Mahindu, banna ba bakgethwa. Gomme, oo, nna, bolela ka bodumedi, India e bo hweditše! Morago ga sekgalela seo, ke be ke thabišwa ke mabodumedi a go fapana a lesomešupa a India, gomme bjo bongwe le bjo bongwe bja wona bo ganne Jesu Kriste: bjo bongwe le bjo bongwe bja wona: Mohammedan, Buddha, Sikh, Jain, oo, a mantši kudu a wona. Gomme ga se nke ka bolela

selo. Ke nno ba theetša. Bjalo ka ge, re ile ra swanela go rola dieta tša rena, go ya ka tempeleng ya Majain.

<sup>9</sup> Bošegong bjoo, pele ga lešaba leo ke bego ke sa kgone go bona bofelo bja lona, le ge batho ba thoma go tla godimo; sešole se ile sa swanela go dumelela batho go tla, yo motee ka nako. Wa pele go tla, e bile molephera; o be a se ne matsogo, gomme ditsebe di jegile. Mang kapa mang o tsebile se bothata bja gagwe e bego e le, ka nnete. Gomme ka gona morago ga ge ba babedi goba ba bararo ba fetile kgauswi, gobaneng, fao go be go le Moya wo Mokgethwa, o utolla. Nnete, ge tlotšo e etla pele, gona o ka kgona go bolela se batho ba se naganago. Le a bona, o a e topa. Gomme ba be ba nagana e be e le se sengwe go swana le go bala monagano.

<sup>10</sup> Gomme mang kapa mang, yo a tsebago se go bala monagano go lego, o tla, e tla ba . . . Ge o naganne gore bjalo ka ge Moya wo Mokgethwa o hlatha e tla ba go bala monagano, gobaneng, gona, ga o tsebe kudu ka ga go bala monagano.

<sup>11</sup> Kafao gona banna ba bakgethwa ba, le Boraja, le go ya pele, godimo ga mesamelo ya bona le . . . Kafao ba be ba pakelane ka godimo ga bona seng, e bile ba babedi goba ba bararo ba kgameletšwa go ya lehung, ka kopanong, gomme ba no leka go pakela ka gare. Gomme ke bile feela le matšatši a mabedi go dula.

<sup>12</sup> Gomme ke be ke sa kgone go hwetša tšhireletšo . . . Gobane, ke be ke swanetše go ba le yona ka toropongkgolo, e be e le tsela e nnoši re hwetšago tšhireletšo. Ka ntle ga toropokgolo, go bile le mohumagadi a etla go kgabola, yoo a hlotšego bothata bjo bonnyane, gomme ba babedi goba ba bararo ba bolawa ka go hlabja, gomme ba be ba sa mphe tšhireletšo ka ntle ga toropokgolo. Gomme ka nnete e be e le selo sa go befa go se bona.

<sup>13</sup> Eupša e ka ba monna wa bone o tlile kgauswi, e be e le wa bone goba wa bohloano, o be a le monna a foufetše, gomme o be a le mokgopedi. Nnete, India e ne batho ba milione tše makgolonne le masomešupa, gomme go bona getše go nna boka e ka ba dimilione tše makgolo a mane tša bona e be e le bakgopedi. Ga se nke ka ke ka bona bakgopedi ba bantši kudu! Gomme ke selo sa go šokiša kudu. Ge, ga re tsebe ka fao re lego gabotse, go fihla o swanetše go tšea leeto boka leo, gatee.

<sup>14</sup> Mme šo o robetše mokgotheng, lesea la gagwe le lennyane le bolawa ke tlala. Marinini a lona a mannyane a tlase kgahlanong le dipounama tša lona. E nnyane . . . Ga le sa kgona go lla gape. Mme o swerwe ke tlala, le yena. O nyaka go go fa lesea, go le boloka le se hwe; e ka ba eng, go le boloka le se hwe. Gomme fa, gabotse, o a le tšea? Le lengwe *šele*, le lengwe *šele*, le lengwe, oo, wena, feela ga go bofelo go yona. Gomme šebale fale, le go šokiša kudu. Gomme ke batho bao Kriste a ba hwetšego.

<sup>15</sup> Gomme fale, bošegong bjoo, ke eme fale, gomme monna yo wa sefofu o tlile godimo. Moya wo Mokgethwa o rila, bjale,

“Ke mokgopedi, gomme ke morapedi wa letšatši. O bile sefofu mengwaga ye masompedi.” Gabotse, ka pela ge seo se boletšwe, o ka kgona go topa, le a tseba. Ba na le wena. . .

<sup>16</sup> Ge o eya lefelong boka leo, bokaone o tsebe se o bolelago ka sona, gobane ba tla go hlohla go yona, feela nako efe kapa efe. Gomme bokaone o be le nnete gore Modimo o go romile. Ga o bapale kereke fale. O swanetše ka kgonthe go ba le se o bolelago ka sona. Go lokile fa ka Amerika, eupša o se tsoge wa leka go betha tšhemo ntle le ge ka kgonthe o ne kgonthe. Gomme ka gona ka Afrika, le dingakabaloī tšela le bjalo, ke—ke boramemoya. Ga ba no tlankete ka saekolotši ye e itšego. Ba—ba swerwe ke matimone, gomme ba na le maatla. Gomme go tšea feela maatla a Modimo, a ka kgona go a fekeetša. Gomme ga se ka ke ka tsoge ka bona nako, go le bjalo, eupša ye wa rena yo mogolo le wa letago Morena Jesu a nametšego godimo ga ntlhora ya yona yohle, le go thopa phenyō nako le nako. Ke bolela seo bjalo ka mohlanka wa Gagwe, Leineng la Gagwe.

<sup>17</sup> Gomme bošegong bjo kua, go be go le, ke a elelwa, monna yo. O rile, “O foufetše.” O rile, “O mokgopedi, gomme o rapela letšatši.”

<sup>18</sup> Gomme ba a dumela, ge ba lebelela letšatši go fihla ba fofala, gore ba tla ya Legodimong; kafao go ne Legodimo bakeng sa bona, gomme ba tla ya, ka, ba rapela tlhoho.

<sup>19</sup> Gomme, theetšang, le kgona go e kwa e etla ka gare, gore bona, bao, gagolo ba ba ba bitšago banna ba bakgethwa. Ka gona ba iphitsika bonabeng godimo ka oli ya mohlware; ke pono go bona; ba bolaya pudi gomme ba a rapela.

<sup>20</sup> Kafao nako yeo, sa go latela, O rile, “O monna yo a nyetšego, gomme o na le bana ba babedi. Gomme ke bašemane ba babedi. Gomme yo motee wa bona a ka ba mengwaga ye tshela bogolo, gomme yo mongwe a ka ba senyane.” Gomme ge mohlatholli a mmoditše seo, seo se be se nepagetše. Gomme go le bjalo ga se ba e theetša. Ba naganne e be e le saekolotši.

<sup>21</sup> Gomme ke naganne, “Morena, ge O ka no mpontšha se sengwe seo ba ka kgonago go se bona se dirwa.”

<sup>22</sup> Gomme le swanetše go šetša se Moya wo Mokgethwa o se bolelago. Seo ke se A le botšago. Dula fale botelele go lekanela go fihla o ekwa se A se bolelago morago gape. Le a bona? Theetša se A go botšago. Gobane, ga se nna. Ga ke tsebe selo ka yona. Ke Yena. Gomme ebile ga ke tsebe se ke se bolelago, nnamong, gomme ga ke se tsebe go fihla ke ekwa theipi. Gomme, gona, kafao gona go a makatša go bona se A se dirilego.

<sup>23</sup> Gomme ka gona ke hlokometše, gomme ke bone monna, boka pono, a eme godimo, gomme o kgonne go bona. O bile le pono ya gagwe. Ke naganne, “Ye e tla ba nako ya go makatša gonabjale.”

24 Gomme ke rile, “Lehono ke thabišitšwe ka tempeleng ya Majain, moo bontši bja lena baetapele ba go fapana fa le bego le le gona. Gomme le be le mpotša ka fao Bokriste bo bego bo le bjo bonnyane, le ka fao bodumedi bja lena bo bego bo le bjo bogolo. Ke be ke se na le sebaka sa go emela Morena Jesu. Eupša,” ke rile, “bošegong bjo, monna šo o eme mo, yo a foufetšego. Bjale ge nka botšiša moprista wa Mohammedan, goba moprista wa Buddha, goba e ka ba mang a ka bago, ke eng e mo dirilego go dira seo, le tla re o be a le phošo, gobane o rapetše tlholo sebakeng sa mohlodi. Ke tla re ‘amene’ go seo. Yeo ke therešo, ‘Tlholo sebakeng sa mohlodi.’”

25 “Gabotse, bjale, ge monna yo a sa tšo bolela gore o tla hlankela Modimo yoo a mo filego go bona ga gagwe morago! Bjale o hwetša o phošo. Bjale le tla dira eng go yena? Lena Mabuddha le tla mo dira a tlogele modimo wa gagwe gomme a tla le go tšoenana Bobuddha. Bomohammedan ba tla mo dira a be Mohammedan. Le ba go fapana. Ke eng? Le tla fetola feela dikgopolo tša gagwe. Le tla no. . . Ke saekolotši.”

26 Ke rile, “Amerika e tletše selo sa go swana. Mamethodist ohle a nyaka go fetola Mabaptist. Gomme Mabaptist ba nyaka go fetola Mapentecostal. Gomme Maoneness ba nyaka go fetola Matwონess. Matwონess ba nyaka go fetola . . .” Oo, nna, ga se ka tsoge ka kwa se sebjalo! Eupša selo se tee sa go lebogega, bohle re rapela Modimo wa go swana. Eupša fao go a fapana.

27 “Eupša,” ke rile, “ke saekolotši. Ka kgonthe go ne Mohlodi felotsoko yoo a dirilego mahlo a gagwe.” Bjale, nkabe ke se ka bolela se ge nkabe ke se ka bona pono pele. Gobane, e . . .

28 Ke bogolo bja mengwaga ye masometlhano nne, ke bone dipono ge e sa le ke le dikgwedi tše lesomeseswai bogolo. Ga se gwa tsoge gwa ba e tee. . . Ke tla botšiša e ka ba mang ge ba kile ba bona e tee e šitwa. Aowa, mohlomphegi. E ka se tsoge. Ga se ya tsoge ya dira gomme e ka se tsoge ya dira. Ka mehla ke nnete, gobane ke Modimo.

29 Gomme ka gona ke tsebile monna o be a eya go hwetša pono ya gagwe, eupša ke be ke leka go bea molaba wo monnyane go swara ba bangwe ba bona basedumele. Gomme ke rile, “Bjale, ge bodumedi bja Mohammedan, e lego bodumedi bjo bontši fa ka India, a nke baprista ba Mohammedan kua, ba tle mo le go bušetša pono go monna yo, gomme ke tla ba Mohammedan.” Le a bona? Ke rile, “Ge Buddha e le bodumedi bjo bogolo bjalo, a nke baprista ba Buddha ba tle, goba e ka ba mang.” Ke rile, “Ka kgonthe, ge motho a nyaka go loka le Modimo wa maleba, ka nnete Mohlodi yo mogolo Yo a dirilego mahlo a gagwe lekga la mathomo a ka kgona go mo direla mahlo lekga la bobedi, ge a nyaka go a šomiša go letago la Gagwe.” Bao e bile batheeletši ba go homola kudukudu nkilego ka ba kwa.

30 Ke rile, “Bjale, sefala se bulegile, gomme a nke monna yo a ka kgonago go tla mo le go mo fa go bona ga gagwe. . . A nke Modimo, gore Modimo wa therešo, Yena yoo a mo dirilego lefelong la pele, yoo a hlotšego mahlo a gagwe, a nke A tle le go bušetša pono ya gagwe, gomme ke komana go—go ba molatedi wa bodumedi bjoo.” Ga go yo a boletšego lentšu.

31 Ke rile, “Ke tseba se le se naganago. Le nagana gore ke šomiša go bala monagano go kwešiša se e lego bothata ka batho bale, le go ya pele, le go ba botša se ba lego, ke bona bomang. Ebile ga ke kgone go bala leina la bona; ke swanetše go le peleta. Ga ke kgone go le hlaboša. Ebile ga ke kgone go bolela polelo ya bona. Le bitša seo saekolotši. Ge e le yona, ga ke tsebe selo se tee ka saekolotši. Gomme lena le bomakgone ba yona. A nke mokgone yola wa saekolotši a tle gomme a fe monna pono ya gagwe gona. Bonang ge eba saekolotši e ka bušetša pono go monna wa sefofu.” Bao e be e sa le batheeletši ba go homola. Ga go yo a boletšego lentšu.

32 Ke rile, “Gobaneng le sa bolele se sengwe? Ka nnete go na le Modimo felotsoko. Sohle, sohle se, se sengwe le se sengwe se ya pele, se a netefatša go na le Modimo felotsoko. Yena ke Mang?” Ke rile, “Lebaka le le sa bolelego selo, gobane ga le kgone go e dira. Gomme le nna nka se kgone. Eupša Modimo wa Legodimo, Yo a tsošitšego Morwa wa Gagwe, Jesu Kriste, Yo ke lego hlatse ya Gagwe, o mpontšhitše pono gore monna yo o ya go amogela pono ya gagwe. Bjale, ge A sa e dire, gona ke nna moprofeta wa maaka; nthakeleng ka ntle ga India. Eupša ge A e dira. . . Thwi fa, lena batho ba le lego Bomohammedan, baprista ba lena šeba ba eme ka diaparo tša bona. Buddha šo, le ba go fapana. Le bona baetapele ba lena, ka fao ba homotšego ka gona? Ga ba bolele selo. Eupša ke a bolela. Ke bone pono ya monna, o ya go amogela pono ya gagwe, gomme o ya go e dira bjale. Gomme ge a sa dire, gona go ne se sengwe sa phošo, ke nna hlatse ya maaka ya Beibele le ya Kriste.” Yo mongwe le yo mongwe. . .

33 Ke rile, “Ke ba bakae ba lena mo ba tla Mo amogelago bjalo ka Mophološi wa lena ge Modimo a ka bušetša pono go monna yo wa sefofu?”

34 Gomme mogohle le bonago, feela diatla tše ntsho godimo, bokgole bjo le ka kgonago go bona. Gabotse, go akantšwe, batho ba dikete tše makgolotlhano. Seo ke seripa sa milione. Kafao seo ke bontši, makga a mantši go feta ka mo go lego ka Tucson. Kafao fao bona moo, ba bego ba dutše lefelong le tee.

35 Ke gogile, ka kgopela monna go tla kgauswi le nna. Ke beile matsogo a ka go mo dikologa. Ga ba hlatholle thapelo. Ke rile, “Morena Modimo, ye ke tlhohlo go tumelo ya ka mong. Eupša thwi fa, mo nakong moo bahetene ba bohle ba lego tikologong fa, a ga O sa le Modimo wa go swana yoo ka mehla O bilego?” Gomme ke rile, “Bjale ke botsebalegi bja Gago bo lego kotsing.

Ke bolela feela se O se boletšego. Gomme ge e sa le go tloga bjaneng, O mpontšha dipono, gomme ga se nke ka ke ka bona e tee e šitwa. Bjale O ntaetše monna o tla amogela pono ya gagwe. Ke bitša pono ya gagwe, Leineng la Jesu Kriste.”

<sup>36</sup> Gomme monna o ntšhitše kgoeletšo ye kgolo bogolo. Gomme meyara wa toropokgolo o be a dutše kua, a kitima, a mo swara le go mo gokara. Monna o be a kgona go bona gabotse ka mo nka kgonago goba e ka ba mang gape. Nako yeo, ke bone dikete atiša ka dikete.

<sup>37</sup> Bagwera, ga ke nyake go bolela se ka go swaswalatša, eupša re šitilwe go phethagatša lenaneo leo Kriste a re rometšego go le dira. Le a bona? O rile, “Eyang lena ka lefaseng lohle gomme le rere Ebangedi.” Bjale, ga se A re agang dikolo. Ga se A re agang dikereke. Tšeo, tšohle di lokile. Eupša re beile nako ya rena yohle go aga dikolo le dikereke le dikerekemaina, tše di bapetšego karolo. Eupša seo ga se se A se boletšego. “Rerang Ebangedi, gomme maswao a a tla latela bona ba ba dumelago.” Ka mantšu a mangwe, go rera Ebangedi e tla ba go bonagatša maatla a Moya wo Mokgethwa. Gomme fao ke mo re šitilwego.

<sup>38</sup> Kereke e a hloka, bošegong bjo, e sego selo se boleta sa motswako, se boleta le go tematema bjalo ka ge kereke e le, go no dira boipolelo, go kolobetšwa, gomme wena o—wena o Mokriste. Go ba Mokriste ke go ikgana mong. “Ikgane wenamong. Tšea sefapano sa gago. Ntatele tšatši ka tšatši.” Lehono e boleta kudu, gomme batho ba ipitša Bakriste bonabeng. Mola, go be go fela go era lehu, go ipolela Kriste, gomme o ile wa swanela go ithekga ka Yena tšatši ka tšatši bakeng sa se sengwe le se sengwe o bego o se hloka.

<sup>39</sup> Modimo yola wa go swana o a phela lehono. Ke a tseba gore yeo ke therešo. Gomme O no ba yo mogolo lehono bjalo ka ge A bile nako yela. Ge A kile a ba Modimo, O sa le Modimo. Eupša ge A se Modimo, gona ga se nke A ba Modimo, gobane Yena ke Modimo wa moloko ka moka wa batho.

<sup>40</sup> Ke botse bofe e bo dirago go bolela ka Modimo wa Abraham, ge A se Modimo wa go swana lehono? Ke botse bofe e tla bo dirago go bolela ka Modimo Yo a ka bulago Lewatle le Lehubedu, ge A ka se kgone . . . go bana ba gagwe go phonyokga, ge A ka se kgone go dira selo sa go swana lehono? Go reng ka Modimo yo a kgonnego go tsoša monna wa go hwa go tšwa lebitleng, ge A ka se kgone go dira selo sa go swana lehono?

<sup>41</sup> Ke botse bofe e bo dirago go fa nonyana ya gago ya thaga dipeu tše kaone le divitamine, go godiša marapo a mabotse a go tia, le diphego, le mafofa, morago wa mmea ka serobeng? O ya go a šomiša bjang?

Ke botse bofe e bo dirago go ruta Beibele ya Modimo tsoko yo mogolo?

42 Go kgonega bjang motho yo a gatselago go hwetša . . . A a ka kgona go ruthela ka mollo wa go pentwa? Monna yo a gatselago go iša lehung, gomme o mo pentela mollo, le go re, “Fao ke wo o bego o le.” Woo ga se wona. E swanetše go ba . . . E swanetše go ba phišo ye nngwe e tšwago go wona, go—go mo direla botse bjo bongwe.

43 Gomme go swanetše go ba kgonthe ka go Tswalo ye mpsha, ya go tswalwa gape, go tlatšwa ka Moya, le go tseba gore Bogona bja Modimo bo mo, le go Mmona a tšwetšapele Lentšu la Gagwe le tshepišo ya Gagwe feela bjalo ka ge A dirile. Jesu o rile, “Ge Ke phagamišeditšwe godimo go tloga lefaseng, Ke tla gogela batho bohle go Nna.”

44 A nke Morena a re thuše. Ga se ke ikemišetše go tloga go seo, eupša go no bolela. Morena a le šegofatše bjale. Gomme bjo bongwe bja mašego a, mohlomongwe, pele go fela, mohlomongwe ke ya go le rerela bošego bjo bongwe. Ke no ya go dira.

45 Ke bolela ka phodišo Kgethwa bjale gobane ke nyaka go bona, ke letile Morena mohlomongwe go dira se sengwe. Seo se tla . . .

46 Le a tseba, e ka ba diphesente tše masomeseswai tshela tša bodiredi bja Jesu e be e le phodišo Kgethwa. Gomme ga re šomiše phodišo Kgethwa bakeng sa bogolo. O ka se dire bogolo ka bonnyane, re tseba seo, le bokgabo bjo bogolo bjo bja phodišo Kgethwa.

47 Ke sa tšwa go fetša thuto, mengwaga ye mene goba ye mehllano ya go feta, ya Kereke ya pele. Ke thomile go tloga ka puku ya Foxe ya bahwelatumelo, ka tla tlase go kgabola *Two Babylons* ya Hislop, le go ya pele, le pele go theoga go kgabola Nicaea, le *Post-Nicene* le *Nicene Fathers*, le Nicaea council, le go hwetša sela ka morago ga lehu la Jesu Kriste. Tlase go kgabola Polycarp, le Irenaeus le Martin, le ba bantši ba bakgethwa ba bagolo bale, lebaka la makgolo a mengwaga ka morago ga lehu la Jesu Kriste, ba lwetše Tumelo yela, ya kolobetšo ya Moya wo Mokgethwa, le go bolela ka maleme, le go tsoša bahu, le go fodiša balwetši. E bile ka go lebaka la leswiswi Selo se se lahlegile.

48 Eupša, oo, Modimo o rile, “Ke tla bušetša,” go rialo Morena, “mengwaga yohle tšie e jelego, le phatakalala.” O tshepišitše go e dira, gomme ye ke iri ya pušetšo. Mohlare o tla khukhuša gape. Ke a e dumela.

49 Morena a le šegofatše bjale. Gomme ka Lengwalong, ke nyaka go tšea sehlogo se sennyane sa go tlwaelega bošegong bjo, go no le dira le tlwaelane le se re lekago go se dira. Le a bona, ge le ka kgona . . .

50 Ge nka kgona go tliša batheeletši ba ka mmero o tee, go bona le go tseba tlwa gore Jesu Kriste o a phela le fa magareng ga lena! Oo, lena ka monagano goba kgopolong le a e dumela. Eupša ge



e ka kgona go ya bokagodimo ga monagano, go fihla o e tseba, gona se sengwe se tla direga, le a bona, ge o ka kgona go lemoga. Selo se nnoši ke, ke, go bona Kriste ka bogoneng bja rena.

<sup>51</sup> Le a tseba, ka Durban, Afrika Borwa, moo go akantšwe, ka ditulo tša bagolofadi tše dikete tše masomepedi tlhano, lepokisi la kgale le dikarikana, gomme ba gogela batho ka ntle ga masodi, dibeke le dibeke, ba etla go kgabola fale. Ka thapelo e tee, feela mantšu a se makae a thapelo, gomme ba ile godimo go tloga fao. Gomme mosong wa go latela . . .

<sup>52</sup> Sidney Smith, o ka kgona go mo romela thelekramo, wa mo ngwalela lengwalo. Ke meyara wa Durban, e ka ba gabedi, makga a mararo bogolo bja Tucson. Ee, makga a mantši bogolwane go feta yeo. Gomme re be re le lebaleng la mokato moo a bilego le batho ba dikete tše makgolopedi masometlhano ba kgobokane.

<sup>53</sup> Gomme o nteleditše, o rile, “Ngwanešu Branham, eya lefastereng la gago le lebanego le lebopo.” Leo ke Lewatlegolo la India kua. “O tla bona se sengwe o sego wa ke wa se bona.”

<sup>54</sup> Gomme go tla e ka ba lesome la ditheraka tšela tše kgolo tša Seisimane, mohlomongwe masomenne, dikgato tše masometlhano botelele, dino pakelana go tlala ka dikota tša kgale, le ditulo tša bagolofadi, le dilo tše ba bego ba hlotletše go tšwa lešokeng ka tšona, letšatši pele, gomme ba fola. Gomme šeba ba be ba le, gomme ba—ba batho bao ba bego ba le ka ditulong tšeo le dilo, bakeng sa dipoloko tša toropokgolo, ba etla ka morago. Bohle ba bona ka mmero o tee, ba sepela go feta hotele ya ka, ba opela, “Dumela feela. Dilo tšohle di a kgonega,” ka leleme la bona la setlogo. Moo, re rekotile badudibasetlogo ba batala ba dikete tše masometharo ba amogetše Kriste bjalo ka Mophološi wa bona, ka nako e tee.

<sup>55</sup> E se go nyatša dikgaetšedi tša rena, eupša sese se ke sa kgonego go se kwešiša ge ke etla gae. Ngwaga wo mongwe le wo mongwe, ge ke tloga le go tla morago, ke hwetša basadi ba rena—ba rena ba Amerika ba tloša diaparo tše dintši go tloga go bonabeng, gomme efela ba ipitša Bakriste bonabeng, ba opela ka dikhwaereng.

<sup>56</sup> Gomme bona basadi ba eme fale, bontši bja bona, e sego selo eupša ba apere lešejana le lennyane la 4-H. Gomme motsotso wo ba amogelago Jesu Kriste bjalo ka Mophološi, ga go yo a ilego a swanela go ba botša ba be ba ponoka. Ba phuthile matsogo a bona, ka mokgwa *wo*, go sepela go tloga bogoneng bja moo banna ba bego ba eme.

<sup>57</sup> Ge Bogona bja Jesu Kriste bo ka tliša tsebo yeo go mosadi yo a sego a ke a tseba selo ka Yena, le go no Mo amogela bjalo ka Mophološi, le go mo dira a lemoge o a ponoka, bo swanetše go dira eng go ba—ba batho mo ba ba swanetšego go hlabologa, gomme—gomme ba swanetše go ba le kolobetšo ya

Moya wo Mokgethwa, gomme ngwaga wo mongwe le wo mongwe ba tšwelapele ba itlhobola bonabeng? Go . . . Ke a dumela go na le se sengwe sa phošo felotsoko. E ka no ba le nna; ge e le, go na le se sengwe sa phošo ka Lentšu. Ke a dumela gore Moya wo Mokgethwa o tla dira motho go apara diaparo sebakeng sa go di apola.

<sup>58</sup> Bjale phetlang le nna go Mateo, tema ya 12, temana ya 38 le go ya go temana ya 42, feela Lengwalo le lennyane la go tlwaelega ge re bala. Theetšang sekgauswi bjale.

*Ka gona ba bangwe ba bamangwalo le ba Bafarisei ba araba, ba re, Mong, re rata go bona leswao go tšwa go wena.*

*Eupša o arabile gomme o rile go bona, Moloko wo mobe le wa bootswa o nyaka leswao; gomme go ka se be leswao . . . le fiwago go wona, eupša leswao la moprofeta Jona:*

*Ka gore bjalo ka ge Jona a bile matšatši a mararo le mašego a mararo mpeng ya hlapikgolo; go bjalo Morwa wa motho o tla ba matšatši a mararo le mašego a mararo ka pelong ya lefase.*

*Banna ba Ninife ba tla tsoga ka kahlolong le moloko wo, gomme ba tla o ahlola: gobane ba sokologile ka thero ya Jona; gomme, bonang, yo mogolwane go feta Jona o fa.*

*Le kgošigadi ya borwa e tla tsoga ka kahlolong le moloko wo, gomme o tla o ahlola: ka gore o tlile go tšwa dikarolong tša kgolekgole tša lefase go kwa bohlale bja Salomo; gomme, bonang, yo mogolwane go feta Salomo o fa.*

<sup>59</sup> Ge nka e bitša sehlogo, ke tla rata go tšea mantšu ale a mahlano a mafelelo: *Yo Mogolwane Go Salomo O Fa.*

<sup>60</sup> Re a hwetša, Jesu mo o be a kgala. O be a kgalema mafelo ale ao A bilego, gomme o netefadiše go batho gore O be a le Mesia, feela bjalo ka ge A be a re bontšha bošegong bja go feta. Gomme thuto yohle ya bona e be e le go dumela gore leo e be e tla ba leswao la Mesia. Gomme ebile le go mosadi yo monnyane yo yoo re boletšego ka yena bošegong bja go feta, mosadi mo sedibeng, ka fao yena, ka go seemo sa gagwe sa bootswa, gomme efela o tsebile bontši ka ga Modimo, le go Mo lemoga kudu, go feta bamangwalo le Bafarisei ba dirile.

<sup>61</sup> Ka gore, ge ba bone se se dirwa, ba Se bega go ba mohuta wa moya, ba rile, “Ke Beletsebubu.” Beletsebubu e be e le kgoši ya bodiabolo, moya, diabolo. Gomme ba boletše gore O be a dira seo ka ramemoya yo mongwe, bjalo ka mmolelelamahlatse. Gomme mang kapa mang o a tseba gore go bolelelamahlatse ke

ga diabolo. Gomme kafao ba pharile Morena wa rena go direng seo.

<sup>62</sup> Gomme O rile, “Ge le Mpitša Beletsebubu, e tla lebalelwa. Eupša ge le bolela kgahlanong le Moya wo Mokgethwa, ge O tla tla, gona ga go tebalelo go wona, gobane le bitša Moya wa Modimo, wo o dirago mošomo, ‘moya wa ditšhila.’ Ao ke maroga kgahlanong le Moya wo Mokgethwa.”

<sup>63</sup> Mme wa ka o be a fela a mpotša, ge ke be ke sa le mošemane yo monnyane, gore, “Maroga a Moya wo Mokgethwa, e bile, go tšea bophelo bja gago mong.” Gabotse, seo ga se bjalo. Le a bona? Beibele e a e ruta, gore, “Maroga a Moya wo Mokgethwa, ke go—ke go, bolela kgahlanong le Moya wo Mokgethwa.” Go roga, ke go bolela ka wona. Gomme ge o bona Moya wo Mokgethwa o dira se sengwe, gomme o dira metlae ka Wona, o tšetše mothalo wo o ka se tsogego wa o tshelologa gape. O ka se tsoge wa lebalelwa.

<sup>64</sup> Kafao Jesu o be a ba boditše, gomme o be a bolela ka fao gore O be—o be a tiišetša Lentšu, gore O be a le Mesia. Gomme ba ka be ba tsebile seo, ka gobane moetapele wa bona, Moshe, o ba boditše, “Morena Modimo wa lena o tla tsoša moprofeta wa go swana le nna.”

<sup>65</sup> Gomme bjale ge ba bone dilo tšela di direga, go le bjalo ga se ba Mo dumela. E sego ka gobane. . . Ke—ke a dumela ba Mo dumetše, eupša ga se ba nyaka go ipolela yona, ka lebaka la metlwae ya bona, gobane Bafarisei ba be ba rile, “Monna goba mosadi e ka ba mang yoo a tla Mo amogelago ka pela o tla ntšhetšwa ntle ga sinagoge.” Gomme ba rata metlwae ya bona go feta ka mo ba ratago Lentšu la Modimo le le hlatsetšwego.

<sup>66</sup> Gomme nako ga se ya fetoga, kudu, se. Le a tseba, Modimo o tšea motho wa Gagwe eupša e sego Moya wa Gagwe. Sathane o tšea motho wa gagwe eupša e sego moya. O tla thwi morago go yo mongwe gape, gomme o ya thwi pele go theoga. Gomme bjale re e hwetša ka go moloko wo mongwe le wo mongwe, e ka ba go swana.

<sup>67</sup> Gomme Jesu ka go hlaka o itirile Yenamong go tsebja. O rile, “Ge Ke sa dire mediro ya Modimo, gona le se Ntumele. Eupša ge Ke dira mediro ya Modimo, gona dumelang mediro.”

<sup>68</sup> Gomme ka gona re hwetša sohle se, gomme go le bjalo ga se ba dumela. Gomme ba tla go Yena, ka morago ga go bona dilo tšeo tšohle, gomme morago ba rile, “Mong, re tla nyaka leswao go tšwa Legodimong.”

<sup>69</sup> Bjale, re hwetša legoro lela la go swana la batho bao ba nyakago go re, “Gabotse, ga go selo se sebjalo bjalo ka mohlolo. A nke ke o bone o dirwa. A nke ke o lebelele ka mahlong a ka. A nke ke o hlahlobe.” Gabotse, motho yola ka phethagalo ga a na kholofelo. Ka gore, ge o kile wa phološwa, ke mohlolo. O ka kgona feela. . . O swanetše go dumela Modimo. O ka se kgone go hlaloša mohlolo.

70 Go ka reng ge Moshe a ka be a rile, “Ke a dumela ke tla tloša a se makae a matlakala a, ao a tukago, le go a iša godimo ka laboratoring le go a dira a hlahlofše, le go hwetša eng, gobaneng a sa swe?” Modimo a ka be a se a ke a bolela le yena.

71 Eupša o—o—o be a . . .lemogile gore e be e le mohlolo gore matlakala, mohlare, ga se wa swa. Kafao o batametše kgauswi go bolela le yona, le go rola dieta tša gagwe, le go ikokobetša yenamong pele ga wona. Gomme Modimo o boletše morago go yena.

72 Bjale, ge re ka dira selo sa go swana, Modimo o tla bolela morago go rena. Eupša o swanetše go e lemoga go ba Modimo. Gomme tsela e nnoši o ka tsogego wa hwetša e ka ba eng go tšwa go Modimo, ke go Mo dumela. “Yo a tlago go Modimo o swanetše go dumela gore O gona.”

73 Bjale, ge re be re bona dilo di dirwa tšeo e bego e se tša Lengwalo, gona le tla ba le lefelo go botšiša. Eupša ge e netefadišwe ka go tsenelela ke Lengwalo, gomme ka gona ya tsebagatšwa ke Modimo Yo a ngwadilego Lengwalo le go dira tshepišo, gona re swanetše go rola dieta tša rena, bjalo ka ge go bile, le go re, “Morena Modimo, ke nna yo.” Seo ke se re swanetšego go se dira.

74 Gomme seo ke se bona, sebakeng sa seo, ba tlile gomme ba rile, “Re tla bona mohlolo.” Bjale, yo mongwe le yo mongwe ke banyaki ba mohlolo.

75 Re hwetša gore ebile le diabololo, ge a bone Jesu ka go seemo sela sa tlala, o rile, “Ge o le Morwa wa Modimo, laela matlapa a go ba borotho.” Le a bona? “Ge o le,” o be a se ne nnete. Eupša o be a Mo nyaka go dira mohlolo gore a kgone go o bona. Bjale, yeo e no ba tsela. Le a bona?

O dumela mohlolo. O a dumela, go bona mohlolo.

76 Ka gona re hwetša, ka go jarata ya kgorotsheko, ge re tseba gore O hlathile gomme o kgonne go bolela dikgopolo tša bona, le go tseba ke mang a Mo kgwathilego. Gomme bophelo bjohle bja Gagwe bo be bo le—bo be bo le sebopego sa mehlolo, gomme ga se A tšea dipataka bakeng sa yona. O rile, “Ga se Nna yoo a dirago mediro. Ke Tate wa Ka. O dula ka go Nna. O dira mediro. Gomme ruri Ke re go lena, Morwa ga a kgone go dira selo ka Boyena. Eupša se A bonago Tate a se dira, seo Morwa o se dira go swana.” Le a bona? O file moputso wohle go Tate. Gomme O be a le fa, a eya gohle, a dira mediro ye.

77 Gomme ka gona ka morago ga tšeo tšohle, ge ba Mo swere godimo ka go jarata ya kgorotsheko, gomme ba bea lešela go dikologa sefahlego sa Gagwe, ka mokgwa wo, gomme ba tšere lepara la masole a a go tagwa. Ba eme fale, ba Mmetha mo hlogong, gomme morago ba fetišetša lepara, yo motee go yo mongwe, gomme ba rile, “Ge O le Moprofeta bjale, profeta

gomme o re botše ke mang a Go bethilego. Re tla Go dumela.” O tsebile e be e le mang.

<sup>78</sup> Eupša, le a bona, monna wa Modimo, goba mohlanka wa Modimo, ga a direle diabololo motlae. Le a bona? Ga ba gapeletšege go dira seo.

<sup>79</sup> Le ba kwele ba re, “Gabotse, ge go na le selo se sebjalo. . . Lena batho le dumela go phodišo Kgethwa. Ke tseba mo yo mongwe a babjago. Eya godimo mo ka sepetlele, sehlopha sohle sa bona.”

<sup>80</sup> Seo ka kgonagalo se tla ba boka sehlopha sela sa go swana, ge sefofu Baratamio a tšwetše ntle, ge ba be ba dira metlae ka Yena, mohlomongwe ba rile, “Hei, re kwele O a fodiša, O tsoša bahu. Re na le serapa sa mabitla se tletše bona godimo mo, bakgethwa. Eya godimo gomme o ba tsoše, ge O tsoša bahu.” Le a bona, diabololo yola wa go swana wa kgale wa go swaswalatša.

<sup>81</sup> Ge A be a lekeletše sefapanong, o rile, “Ge O le Morwa wa Modimo, fologa go tšwa fao gomme re tla Go dumela.” Le a bona? A ka be a e dirile. Ba file tshwayo go Yena, gomme ga se ba tsebe ba e dirile. Ba rile, “O phološitše ba bangwe. Yenamong ga A kgone go iphološa.” Nnete aowa. Ge A iphološitše Yenamong, O be a ka se kgone go phološa ba bangwe. Kafao O ineetše Yenamong, go phološa ba bangwe. Ke thabile gore O e dirile. Nnete. Le a bona? Bjale re Mo hwetša fao, le a bona.

<sup>82</sup> Eupša ke moya wola wa kgale wa go swana, “O dira se sengwe fa. A nke ke bone se dirwa.” Gobaneng, Modimo o be a ka se kgone go šoma moo selo se sebjalo bjalo ka seo se bilego.

<sup>83</sup> Jesu o ile ka go bontši bja batho nako ye nngwe, gomme o rile mosetsana wa go hwa o be a nno robala, gomme ba Mo segile wa dikwero. Gomme O ba ntšhitše, yo mongwe le yo mongwe, go tšwa ntlong, pele A mo tsoša. Le a bona? O ile a swanela go e dira.

<sup>84</sup> Nako ye nngwe O tšere monna wa sefofu, a mo hlhla go tšwa toropongkgolo le go tshwela godimo ga mahlo a gagwe, gore, a nke A mo tloše kgole le lešaba.

<sup>85</sup> Moo go lego gosedumele, Modimo a ka se šome. O swanetše go ba le tumelo. Gomme ge re ka kgona go itliša renabeng ka go seemo seo, bošegong bjo, go belaela pelaelo ye nngwe le ye nngwe, le go dumela Lentšu le lengwe le le lengwe la Modimo, le go tseba gore Jesu Kriste o a phela, gomme ke Yena a ipontšha Yenamong, gona, ke tla le botša, dikuranta di tla ngwala dihlogo tša ditaba ka—ka Tucson mosong. Se se tla diregago ka moagong, ge le ka no tsena ka mmero wola!

<sup>86</sup> Eupša banna ba bao ba bonego dilo tšohle tše di dirwa, le go kwa ka ga yona, le selo, gomme ba ile ba swanela go araba phuthego ya bona. Ba ile ba swanela go re e be e le se sengwe. E dirilwe. Gomme ba rile, “Ke Beletsebubu.” Gomme kafao ba tla

godimo, ba rile, “Bjale, re tla nyaka mohlolo. Re tla nyaka leswao go tšwa Legodimong, ra nyaka leswao go tšwa go Wena.” O be a šetše a dirile maswao a mantši kudu, kafao ga se nke A, ga go Lengwalo le rilego O dirile maswao e ka ba afe.

<sup>87</sup> Bjale, Modimo, ka go mabaka ohle, ga se nke a ke a ba ntle le hlatse. Modimo nako ye nngwe o fihlile fase go motho o tee feela. Eupša ka mehla O bile le hlatse, yo mongwe yo a Mo dumetšego, yo mongwe yo a ka kgonago go dumela ka go tša kagodimogatlhago, yo mongwe yo a ka kgonago go dumela Modimo, feela ka tsela ye go ngwadilwego le feela se A lego sona. Gomme O šupeditše go bona fa, ge re hwetša. Ka go mabaka ohle O bile le hlatse ya Gagwe mogohle.

<sup>88</sup> Bjale O boletše mo, ka lefelong le tee, go “Jona,” o beditše mo, eupša re e bitša Jona. Gomme batho ba bantši ba swaswalatša Jona, gomme ba rile, “Oo, Jona wa kgale!” Le kwele leina lela. Eupša ke nyaka go—ke nyaka go tšeela Jona godimo, lebakana le lennyane.

<sup>89</sup> Jona o be a se ka ntle ga thato ya Morena. Jona o be a le ka thatong ya Morena. O be a le moprofeta. O boletšwe, le go bitšwa ka Beibeleng, “Moprofeta, Jona.” Gomme o be a se ka ntle ga thato ya Morena. Ke badile ye nnyane, ditshwayo tše dingwe go yona, boka histori, nako ye nngwe ya go feta.

<sup>90</sup> Gomme bjale, Jona ka therešo o boditšwe ke Morena go ya tlase Ninife, toropokgolo makga a mane goba a mahlano bogolo bja toropokgolo ye fa. Gomme e bile, fale, toropokgolo ye kgolo ya kgwebo ya lefase. Ninife e be e le, ka letšatšing leo, e kgelogile kudu. Gomme—gomme ba theile ka lewatleng. Gomme ba tlogile go Lentšu la Modimo la therešo le go phela, gomme ba thoma go rapela diphoofolo le—le dibata tša lewatle, le go ya pele. Ba be ba le seemong sa go tšhilafala le go šiiša. Modimo o mmoditše, “Eya tlase Ninife.”

<sup>91</sup> Gomme re hwetša gore o tlile tlase lešing la lewatle gomme a tšea sekepe go ya Tarasisi. Bjale, yo mongwe o tla dumela fale gore o dirile feela se Modimo a mmoditšego go se se dire.

<sup>92</sup> A re hwetšeng ge eba dikgato tša moloki ga di laelwe ke Morena. Gomme ge re Mo tshepile ka pelo ya rena yohle, le ge re dira phošo, Modimo o tla e dira e šome go dikologa go letago la Gagwe.

<sup>93</sup> Jona! Re hwetša, ntle lewatleng, gore madimo a thoma go galefa, gomme sekepe sa thoma go tšokatšoka morago le pele, gomme dikholofelo tšohle gore ba ka phološwa di be di ile. Gomme Jona go molaleng o be a rera, mašego a se makae pele ga fao, gomme o be a lapile. Gomme o be a le tlase ka lešagong la sekepe, a tšea kgoswane ye nnyane, mohuta wa go patlama gannyane nthathana. Gomme ba tlile tlase le go mmošša, “Phafoga, O sebedu, gomme o bitše Modimo wa gago.”

94 Gomme Jona o rile, “Bjale, ke tla le botša se ke nyakago le se dira. Ke nyaka le tlema diatla tša ka ka morago ga ka, le maoto a ka, gomme le ntahlele ka ntle ga sekepe.” Gomme o rile, “Gona sekepe se tla emiša go tšokatšoka, maphotho, sekepe; a tla tlogela go tšokatšokiša sekepe, ka mokgwa wo mongwe, ge le ka no ntahlela ntle.”

95 Kafao, le a bona, ge ba dirile seo, gomme ba mo lahletše ntle, Modimo o bile le hlapi ye kgolo e lokišitšwe, yeo re dumelago go ba hlapikgolo.

96 Gomme bjale seo se ganetšwa ke saense. Fa, mengwaga e se mekae ya go feta, ke be ke le ka Louisville, Kentucky, feela go kgabaganya go tšwa toropongkgolo ya legae la ka ya Jeffersonville, Indiana. Feela Noka ya Ohio e aroganya ditoropokgolo tše pedi. Gomme ba bile le hlapikgolo, sekelethone sa hlapikgolo, go—go koloi ya mpatatla. Gomme go be go le monna a eme fale, yo a bego a efa thuto ka hlapikgolo ye. Gomme o rile . . . Bjale, o tlile godimo. Ke naganne, “Ke a makala ge eba o . . . O ya go reng?”

97 O be a bolela ka bogolo bja molomo wa yona, ka fao gore motho a ka kgona go sepelela ka molomong wa yona gabonolo, gomme o rile, “Le a tseba kanegelo yela ya Beibele ba e boelago,” gomme go tšinya go gogolo ga ophosamo godimo ga sefahlego sa gagwe. Gomme o rile, “Le a tseba, ba boletše ka hlapikgolo e metša Jona.” O rile, “Ke nyaka le tsebe gore seo se ka se kgone go ba bjalo.” O rile, “Gobane, ge o ka hlokomele mogolo wa hlapikgolo,” o rile, “ebile . . . e be ebile e sa kgone go feta bontši go feta kgwele ya diintšhi tše nne go kgabola mometšo wa yona, go theoga go kgabola mogolo wa yona.” O rile, “Go be go se bjalo. Yeo e no ba kanegelo ya nonwane.”

98 Seo e be e le bontši kudu go pelwapelwana ya ka ya Irish, go emela seo. Ke rile, “Ke kgopela tshwarelo. Go bjalo.”

99 O rile, “Mohlomphegi,” o boletše. “Hlapikgolo še,” o rile, “gomme ke sekai se segolo sa hlapikgolo.” O biditše se e bego e le sona. O rile, “Eya morago kua, ge o nyaka go ikgotsofatša wenamong, gomme o ele mometšo ye a bego a swanetše go ya go e kgabola, gomme o mpotše ge eba monna yo mogolo a ka kgona go ya go kgabola mometšo wola.”

100 Ke rile, “E no ba ka gobane o mosedumele.” Ke rile, “Ye e be e le hlapikgolo ya go dirwa ka go ikgetha. Modimo o rile ‘O lokišitše hlapi.’ O be a le wa go ikgetha, a lokišitšwe. O be a ka kgona go lokiša e tee go lahlela koloi yohle ya mpatatla ka gare, ge A be a nyaka. Yena ke Modimo.” Uh-huh. Kafao, yeo ke nnete. Modimo o dira se A nyakago go se dira. Gomme ke a dumela gore—gore—gore hlapikgolo e meditše Jona.

101 Ge mosetsana yo monnyane a be a etla letšatši le lengwe go tšwa tabarenekeleng . . .

102 O be a le gannyane, e ka ba boka segotlane se sennyane bošegong bja go feta, goba bošegong bjo, ka moriri wa gagwe o kamilwe morago mo, le a tseba. Wa gagwe wo monnyane. . . Ke naganne o be a kgahliša. Moopedi yo monnyane, ga ke thanke. . . O tlamegile go kwa. Ke a holofela ga ke gobatše maikutlo a gagwe.

103 Eupša, o be a kgahliša ka kgonthe. Gomme mosetsana yo monnyane yo o be a sa tšo phološwa, gomme o bile le Beibele ya gagwe godimo ga pelo ya gagwe, a no opela.

104 Go be go le mosedumelemodimo wa kgale a dutše godimo tseleng kua, ka toropongkgolo ye nnyane ya go bitšwa Utica, Indiana. Gomme o rile, “O thabetše eng mosong wo?”

O rile, “Gabotse, ke sa tšo hwetša Jesu.”

105 O rile, “O tseba bjang o Mo hweditše?” O rile, “Ke eng seo o nago le sona ka seatleng sa gago, puku ya thapelo?”

O rile, “Aowa. Ke Beibele.”

O rile, “Ke a thanka o a E dumela?”

O rile, “Ke dumela nthathana ye nngwe le ye nngwe ya Yona.”

106 Gomme o rile, “A o dumela kanegelo yela ka fale ka Jona le hlapikgolo?”

O rile, “Ee, mohlomphegi. Ke dumela lentšu le lengwe le le lengwe la yona.”

O rile, “Aa, ga go bjalo, hani. O se dumele Seo.”

O rile, “Eupša ke a dumela go bjalo.”

107 “Gabotse, bjale,” o rile, “o ya go netefatša bjang gore go bjalo, ka ntle ga tumelo, bjalo ka ge o e bitša?”

108 “Gabotse,” o rile, “ge ke fihla Legodimong, ke ya go botšiša Jona.” Kafao. . .

109 Gomme mosedumelemodimo o rile go mosetsana yo monnyane, o rile, “Go ka reng ge Jona a se Kua?”

110 O rile, “Gona o tla swanela go mmotšiša.” Kafao yeo e no ba tsela e lego, le a tseba. Ge a be a se Kua, ba tseba mo a bego a le gona.

111 Kafao, go no swana le ge E boletše. Ge Beibele e boletše gore Jona o meditše hlapikgolo, ke tla e dumela, ge Beibele e boletše bjalo. Kafao ke a dumela gore dilo tšela tšohle ke therešo, Lentšu le lengwe le le lengwe la Yona, legato le lengwe le le lengwe la Beibele.

112 Gomme batho ba bantši ba kgakgamolla Jona. Bjale a nke rena, bjalo ka Bakriste. . . go beng gore re bolela ka yena, bjalo ka yo mongwe wa baisa fa yoo Jesu a šupago go yena. Morago, mengwaga ye mentši pele ga Kriste, o be a le leswao go moloko wola. Gomme a re nong go nagana ka yena motsotso.



113 O be a le fao, ka diatla tša gagwe di bofilwe ka morago ga gagwe, le maoto a gagwe. Gomme hlapikgolo e be e phiphila go kgabola meetse, go hwetša se sengwe go ja. Gabotse, ge hlapi e eja, re a tseba o ya thwi tlase botlaseng le go khutša, wona mafegwana, ka fase ga—ga lewatlegolo.

114 Fepa hlapigauta ya gago ye nnyane, gomme o mo hlokomele. O dira mpa ya gagwe ye nnyane e tlale, o tla ya thwi tlase botlaseng bja kgamelo le go khutša lebakana. O fepilwe, feela boka phoofolo e ka ba efe ye nngwe.

115 Tau ya Afrika, ge a . . . O hlehla go fihla a hwetša se sengwe go ja, gomme o tla bolaya e ka ba eng. Ka pela o no ba le digoba tša boromiwa, bjalo ka e ka ba eng. Kafao, eupša ge a—ge a eja, o tla ya godimo le go robala fase. Gomme o ka kgona go sepela thwi godimo ga gagwe; a ka se go tshwenye. A ka no emelela le go rora, tau ya lesogana, goba a go rakediša, eupša o jele. Yeo ke phetho. O šomiša maatla a gagwe a magolo go no bolaya, go ja.

116 Gomme hlapi, ge e jele, e be e ile tlase botlaseng bjale. Gomme gabotse o be a tladišwe gabotse, ke a thanka, ka mogodung wa gagwe. O bile le moprofeta yo tlase fale, ka mpeng ya gagwe. Gomme ka mehla ke mohuta wa go mo kwela bohloko, gobane o . . .

117 Batho ka mehla ba bolela ka, “Gabotse, Ngwanešu Branham, ke bile le seatla sa go golofala, gomme ke rapeletšwe, beke ya go feta. Ngwanešu *Semangmang*, modiša wa ka, o nthapeletše, gomme ka kgonthe ga ke kaonana.” O ka se tsoge wa ba bokaonana, ge feela o lebelela seatla. O ka se kgone go lebelela seatla. O swanetše go lebelela tshepišo. Ka mehla o a lebelela le go re, “Gabotse, ke be ke na le alesa ka mogodung wa ka, gomme e sa fiša.” Seo, seo ga se ne selo se tee go dira le yona. O swanetše go dumela. Seo ke selo se se dirago phodišo, ke tumelo ya gago. Le a bona?

118 Bjale, lebelelang. Bolela ka dika? Jona o bile le taba ya kgonthe ya dika. Lebelelang fa. A re naganeng o be a kgelogile. Gomme o ka mpeng ya hlapikgolo, mohlomongwe dikgato tše masomenne botebo ka lewatlengkgolo, ka ledimong godimo ga lewatlegolo, gomme a robetše ka mahlatšeng godimo go molala wa gagwe, a lebeletše go dikologa, ngwang wa lewatle o tateditšwe go mo dikologa, mogohle. Gomme o lebeletše ka tsela *ye*, e be e le mpa ya hlapikgolo. Ka tsela *yela* e be e le mpa ya hlapikgolo. Ka tsela *ye* e be e le mpa ya hlapikgolo. Mo gohle a bego a kgona go bona, e be e le mpa ya hlapikgolo. Bjale, o be a na le molato wo mobotse wa dika. Ga go motho ka mo, gampe goo, bošegong bjo. Ke na le nnete.

119 Eupša le tseba se Jona a se boletšego? O rile, “Ke maaka a mafeela. Nka se lebelele go wona, eupša gatee gape ke tla lebelela tempeleng ye kgethwa ya Gago.” Ke lena bao. O ganne go bona mpa ya hlapikgolo. O ganne go bona dika.

<sup>120</sup> Gobaneng? O tsebile gore ge Salomo a gafela tempele yela go Modimo, ge Pilara ye kgolo ya Mollo le leru di lekeletše ntle kua, Gore (thapelo ya Salomo) e fetile godimo le go ya tlase le go tšea lefelo la Yona la go khutša le areka ya kgwerano. Gomme ge—ge Salomo a rapetše, o rapetše, “Morena, ge batho ba Gago kae kapa kae ba le bothateng gomme ba lebelela thoko ya thaba ye kgethwa ye, goba lefelo le lekgethwa le, le go rapela, gona kwa go tšwa Legodimong.” Gomme Jona o bile le boitshepo gore Modimo o kwele thapelo ya Salomo, gobane o be a le mohlanka wa Modimo.

<sup>121</sup> Gomme ge a ka kgona go ba le tumelo ye ntši yela godimo ga thapelo ya monna yo a bego a gafela tempele ya lefase; gomme monna, a rapela thapelo, yeo mafelelong, ka bophelong bja gagwe, o kgelogile; gomme ka tlase ga wona maemo, le yona mehuta ya dika, a ka ba le boitshepo bjo bontši gore Modimo o tla kwa thapelo ya gagwe; ke bontši gakaakang re swanetšego, bošegong bjo, ba ba dutšego ka Bogoneng bja Jesu Kriste yo a tsogilego, re lebelele kgole go tloga go dika tša rena, go ya Legodimong Lonamong, moo Jesu a dutšego ka seatleng se setona sa Modimo, ka Madi a Gagwe Mong, go dira dipoelano godimo ga boipolelo bja rena! Ge, dikete go re dikologa le go dikologa lefase, moo ditsošetšo tše kgolo tša phodišo di rathago bjale, thwi ka go yona iri ye go na le batho ba ba fodišitšwego, gohle go dikologa lefase. Iri e mo.

<sup>122</sup> Bjale, re lebelela dika tša rena? Dihlong go rena. Mola, Jona, gomme ka tlase ga ona maemo, a kgonne go lebelela kgole go tloga go dika tša gagwe. O rile o ganne go di lebelela. O rile, “Ke maaka a mafeela. Ke tla lebelela go lebanya tempele ye kgethwa ya Gago.”

<sup>123</sup> O Modimo, re fe banna le basadi ka tumelo ya makgwakgwa, ba ba ka se lebelelego go dika goba go lebelela go e ka ba eng diabolo a go neelago! E neele morago go yena. O re, “Ke dumela go tsogo ya Jesu Kriste. Ke dumela go maatla a Gagwe a go lekanela gohle. Ke a dumela gore Bogona bja Gagwe bo fa bjale go ntokolla go tšwa go bokgoba e ka ba bofe bjoo Sathane a bo beilego godimo ga ka. Gomme ke lebelela go. . . Moo A dutšego, ka seatleng se setona sa Modimo, a phelago ka mehla go ntirela dipoelano.”

<sup>124</sup> Ka Madi a Gagwe Mong, bjalo ka Moprasta yo Mogolo, O dula Fale, godimo ga yona. Ke bontši gakaakang re swanetšego go lebelela go Lefelo le Lekgethwa la Modimo, moo Jesu Yenamong, Mmoelanyi wa rena, Yena a nnoši gare ga Modimo le motho, o ema ka Madi a Gagwe Mong, go dira dipoelano godimo ga boipolelo bja rena! Amene. Le se ke la ba. . . *Amene* e ra “a go be bjalo.” Ke e dumela ka pelo ya ka yohle. Hlokomelang.

<sup>125</sup> Le tseba se Modimo a se dirilego? Ye ke kgakanego go borasaense. O. . . Ga ke tsebe ge eba O beile tanka ya oksitšene

tlase kua, goba se A se dirilego, eupša monna yola o dutše a phela lebaka la matšatši a mararo le mašego, ka mpeng ya hlapikgolo yela. Ga ke tsebe se A se dirilego. Eupša O mo tšere go otlela ga go lokologa, tsela yohle go tloga Tarasisi, morago godimo go ya Ninife.

126 Gomme le a tseba, banna ba kgwebo ba toropokgolo yela, mošomo wa bona gagolo e be e le go thea dihlapa. Gomme letšatši le lengwe ge. . . Ba be ba rapela hlapikgolo, e lego “modimo wa lewatle,” nkokoi ye kgolokgolo ka lewatleng. Ge banna bohle ba be ba le ntle, e ka ba ka iri ya lesometee letšatši le lengwe, ba gogela malokwa a bona ka gare, godimo go tla “modimo wa lewatle,” yoo ba mo rapetšego. O kitimetše godimo lešing, a ntšhetša leleme la gagwe ntle, gomme moprofeta a sepelela thwi ka ntle ga molomo wa gagwe. Modimo wa bona beng o tshwetše moprofeta ntle. Ga go makatše ba mo dumetše. Modimo o be a ba tšweleleditše yona. Gomme ga go makatše ba sokologile, le go bea diaparo tša masaka godimo ga diphoofolo. Ba dumetše molaetša wa gagwe. Modimo o tseba mkgwa wa go dira dilo.

127 Lebelelang se Jesu a se boletšego mo ka Jona, le a bona, ka yena. O rile, “Mo—mo moloko wo mobe le wa bootswa o nyaka leswao.” Nka no gatelela tumelo ya gago gannyane nthathana fa, eupša ke a dumela gore O be a šupa go moloko wo. Ke ya go le botša gobaneng. Ka gore, re a tseba gore wo ke moloko wo mobe le wa bootswa.

128 Ga se gwa ke gwa ba nako, ge e sa le go tloga ka Sodoma, gore mahomoseke le phapogo di be di le matšheng bjalo ka ge go le bjale. O swanetše go ya ka ofising ya ka le go bala poso ya bomme go tšwa California le tikologong, ka boiphedišo bja bašemane ba bona. Oo, go a šiiša! Gomme ke topile pampiri fa, mengwaga ye bmalwa ya go feta, e fofela godimo ga Los Angeles, gomme moo e boletšego gore—gore sebe se segolo sa Sodoma se be se oketšega kudu kua go fihla se oketšegile ka phesente tše masomepedi godimo ga ngwaga pele. Gomme gohle ntle go kgabola, ebile le go baofisiri ba mmušo, gomme ke mogohle. Sebe!

129 Ke ka baka la gore basadi ba itirile go tšhipa ka bobona. Ba e tlišitše godimo go bonabeng. Gomme ke—ke taba ya go tšhipa. Go be go fela, o rotše kefa ya gago, go mosadi mo mokgotheng. Gomme bjale o tla e dira, o tla go sega sefahlegong sa gago. Le a bona? Le—le. . . Re itirile ka borena sehlopha sa tshenyego, re inyefola ka borena.

130 Bjale re lemoga gore, re hwetša gore Jesu o boletše gore, “Moloko wo mobe le wa bootswa o nyaka leswao, gomme go tla ba leswao le le filwego. Ka gore bjalo ka ge Jona a bile mpeng ya hlapikgolo, matšatši le mašego a mararo, go bjalo Morwa wa motho o tla ba ka go—ba ka pelong ya lefase, matšatši le mašego a mararo.”

<sup>131</sup> O be A bolela ka eng? Moloko wo mobe le wa bootswa o tla amogela leswao la tsogo ya Jesu Kriste. Gomme seo ke se re se dirago. Re a tseba bošegong bjo gore ga se A hwa, eupša O a phela go ya go ile, gomme O na le rena.

<sup>132</sup> Ka go nako ye ya kereke ya lefase, le go tšoenane kereke, le bofomale, le dilo tše re nago natšo ka lefaseng lehono, gomme maloko a kereke a bolelo, bakweri, ba dira metlae, “Ba na le sebopego sa bomodimo, gomme ba gana maatla a Moya wo Mokgethwa,” woo, re laetšwego go e furaletla. Ka go yona iri yeo, ya moloko wola wo mobe le bootswa, Jesu Kriste o a tsoga, le ka maatleng a tsogo ya Gagwe, go netefatša gore O a phela go ya go ile, wa go swana maabane, lehono, le go ya go ile. Moloko wo mobe le wa bootswa o tla nyaka leswao, gomme o tla le hwetša. Go tla ba leswao le le filwego bona, la tsogo. Ke nagana gore re phela go le bona lehono.

<sup>133</sup> Ka gona O ya go, go šupa go, moloko wa Salomo, ge Salomo a tlile go lefelotiragalo. Bjale, bohle re a tseba, bjalo ka banešu badiredi le babadi, gore lela e bile—lela e bile Mileniamo, go nyakile, go Israele. Leo e be e le lebaka la gauta la Israele. Ba agile tempele ka go lebaka lela. Ga se ba be le dintwa.

<sup>134</sup> Salomo o be a le monna yo a filwego. Modimo o be a mo file mpho ye kgolo ya tlhatho. Gomme yo mongwe le yo mongwe ka nageng, ka pelo e tee le mmero o tee, ba dumetše go mpho yela. E be e le polelo ya lefase, mogohle. Yo mongwe le yo mongwe o ba boifile gobane gore—gore ba tsebile gore go be go le Modimo yo a phelago magareng ga bona.

<sup>135</sup> A go ka se be gabotse bošegong bjo, ge United States yohle, ge Amerika yohle, e ka amogela mpho ye Modimo a re filego yona, Moya wo Mokgethwa, gomme ka mmero o tee re tla dumelelana go yona, le go e thekga, le—le feela boka ba dirile mo letšatšing lela? Oo, a lebaka la gauta le tla bago! Mpho ye kgolo, “yo Mogolwane go feta Salomo o fa,” eupša ga re e fe ditlhompho tše ba di dirilego ka letšatši la Salomo.

<sup>136</sup> Ge ba bone mpho ye kgolo ye e šoma ka go Salomo, yo mongwe le yo mongwe o dumetše, ka pelo e tee le mmero o tee. Moloko wa—wa Juda, le moloko wa Benyamini, le meloko ye mengwe yohle, go be go se phapano ka go yona. Ba be ba le ka pelo e tee le mmero o tee. Ba be ba tla tla mmogo, gomme ba be ba tla re, “E no nagana ka Jehofa wa rena yo mogolo! O re rometše mpho, gomme e dula ka gare ga motho.”

<sup>137</sup> Gomme dilo tše kgolo, gobaneng, tumo ya Salomo e ile gohlele lefaseng. Gomme ditšhaba tše dingwe di mo file tlhompho, di mo rometše dipholo, dikamela, le dimpho tše kgolo tša gauta, le—le go mo thuša ka letlapa le se sengwe le se sengwe, go aga tempele.

<sup>138</sup> Seo ke se Amerika e se hlokago, bošegong bjo; ga se go oketša go go swa go dipolitiki; ga se kerekeleina ye mpsha ka kerekeng;

ga se se sengwe sa mohuta woo. Ba hloka go tla mmogo ka mmero o tee, le go dumela le go amogela mpho ya Moya wo Mokgethwa yeo Modimo a re rometšego ka go matšatši a a mafelelo, moo ditsošetšo tše kgolo tše tša mohlolo tša letšatši la moragorago di phulegilego go kgabaganya naga.

139 Eupša, lebaka e ka ba lefe, ge Modimo a romela mpho go setšhaba, gomme setšhaba sela se gana mpho yela, setšhaba sela se ya ka tlhakahlakanong. A le be le tseba, e ka ba mengwaga ye masometlhano ya go feta, gore, Russia, Tšhegofatšo ya pentecostal e phulegile ka Russia, e ka ba mengwaga ye masometlhano goba masomešupa tlhano ya go feta, pele e ka tsoge ya tla fa? Yeo ke nnete. Gomme ba e ganne, gomme le bona se ba nago naso. Setšhaba e ka ba sefe! Lebelelang Engelane lehono; ge tsošetšo ye kgolo ya Wesley, mpshafatšo ye kgolo yela. Lebelelang ditšhaba tšeo moo tsošetšo ye kgolo e rathilego, gomme ge ba e ganne, go diregile eng go bona.

140 Gomme setšhaba e ka ba sefe seo se tla amogelago tšhegofatšo yeo Modimo a e romelago, setšhaba sela se a atlega.

141 Ke a le botša. Ke a dumela, bošegong bjo, gore polokego ya rena ga e ka go ageng dišireletšadipomo goba se sengwe go swana le seo. Ke a dumela tšhireletšo ya rena e dirilwe go tšwa go mafofa. Ka tlase ga diphego tša Gagwe, re tla khutša. Oo, ee!

142 O ya go tsena bjang ka go sešireletšapomo? Ye nngwe ya tšona dipomo e tla thunya disekwere maele tše lekgolo le masometlhano, le dikgato tše makgolotlhano botebo, ka lefaseng. Gobaneng, e tla šikinya lerapo le lengwe le le lengwe ka go wena, go tlemologa, ge o be o le thwi tlase go ya go leraga.

143 Eupša go na le lefelo la polokego, gomme leo ke ka go Jesu Kriste. “Godimo ga leswika le Ke tla aga Kereke ya Ka, gomme dikgoro tša hele di ka se kgone go fenyha kgahlanong le Yona.” Yeo ke tšhireletšo ya modumedi, feela ka tlase ga diphego tša Gagwe, a dutšego ka polokego. Nnete.

144 Hlokomelang nako ye kgolo ye, ge batho ba ka no dumela se Modimo a ba rometšego! Eupša, go E gana, ke go ya ka tlhakahlakanong. Gomme seo ke se re se dirilego, bjalo ka setšhaba, re ganne ditšhegofatšo tša Modimo, le go E fetolanya bakeng sa motlwae. Eupša Modimo o rometše hlatse, gomme batho ba šitilwe go e bona.

145 Gomme ke nagana gore batho ba Pentecostal, dilo tše dintši bjalo ka ge Modimo a le romile, gomme efela dikereke tša rena di dutše leteka. Modiša a ka se kgone go e dira yenamong. Maloko a swanetše go thuša ka go se. Rena bohle re modirišani.

146 Seo ke se se thomilego tlhakahlakano nakong ya pele, ka go khansele ya Nicaea. Ba nyakile, mola, “Thuto ya Banikolaite.” *Nikao* go ra “go fenyha,” gomme *laity* e ra “go tloša go maloko, go dira monna yo mokgethwa.”

<sup>147</sup> Yoo ga se monna yo mokgethwa, thaba ye kgethwa. Ke Modimo yo mokgethwa, Modimo yo mokgethwa magareng ga batho. Maloko a ne karolo ya ona. Re bana. Ga go ne ba bagolo magareng ga rena. Le ka kgona bjang go ba le tumelo ge le kganyoga go hlomphana seng? Bohle re batee, ka go Kriste Jesu. Ga go banna ba bagolo le banna ba bannyane. Bohle re a swana. Re bana ba Tate o tee, gomme re bana ba Gagwe.

<sup>148</sup> Bjale re a lemoga, Modimo o diretše setšhaba se dilo tše kgolo. O rometše Tommy Osborn, Oral Roberts, le—le banna ba bantši ba bagolo, go kgabaganya naga, ba lekeleditše mpho ye nngwe le ye nngwe ye nnyane pele ga batho.

<sup>149</sup> Eupša go no swana le mosesiši wa kgale, nako ye nngwe, a eya lewatleng. Monna o rile go yena, letswai le la kgale. . . O be a se a ke. . . Monna yo, moreti, o be a ngwadile ka lewatle, le go bolela ka lona, eupša ga se nke a ke a le bona. Kafao, o be a etla tlase go—go lewatle. Gomme, oo, o rile. . . O kopane le letswai la kgale. Gomme o rile, “O ya kae, monna wa ka wa go loka?”

<sup>150</sup> O rile, “Tlase lewatleng, go kwa dinonyanawatle, le go bona maphotho a lona a letswai, le go bona leratadima le bolou le iponagatša lonamong ka meetseng.”

<sup>151</sup> Letswai la kgale le kgogile peipi ya gagwe, makga a mane goba a mahlano, gomme le rile, “Ga ke bone selo go thantshelwa kudu ka lona. Ke tswetšwe go lona, mengwaga ye masometlhano ya go feta.” Nnete. O be a bone bontši kudu bja lona go fihla le eba setlwaedi go yena.

<sup>152</sup> Seo ke se e lego bothata ka batho ba Pentecostal lehono. Go tla tla nako ge monyetla wo o tla tlošwa go rena. Gona le tla o llela, eupša le ka se o hwetše. Le a bona? Le bone bontši kudu.

<sup>153</sup> Mosadi mo, e sego telele go fetile ka Louisville, Kentucky. O be a na le lesea le lennyane, gomme o be a eya go dikologa, mošemane yo monnyane a ka bago mengwaga ye mebedi ka bokgale, le be le le. O be a na le yena ka matsogong a gagwe, gomme o be a topa dilo tše nnyane. O be a tla re, “Lebelela, hani, lebelela.” Gomme segotlane se sennyane se be se no dula le go tsepelela. O be a tla sepelela godimo go se sengwe gape, a re, “Moratwa, lebelela se.” Gomme batho ka lebenkeleng ba thoma go mo hlokomela. A thoma go hlakahlakana. Gomme kafao o topile tlelokwana ye nnyane, ye e swanetšego go goga mošemane yo monnyane ka mokgwa woo. O rile, “Lebelela, hani. Lebelela, lebelela, lebelela, hani. Lebelela, moratwa, lebelela.” Gomme mošemane yo monnyane a no tsepelela.

<sup>154</sup> Gomme o wetše godimo ga dikhaontara. Batho ba tlile godimo go yena le go mo kukela godimo, go hwetša bothata e be e le eng. O rile, “Mošemane wa ka yo monnyane,” o rile, “o nno thoma go tsepelela lefaufaung.” Gomme o rile, “Ke mo išitše go ngaka, gomme ngaka o re o kaone. Eupša dilo tše di swanetšego

go goga mošemane yo monnyane go swana le yena ga di sa mo goga gape. O no bonala a foufetše go yona.”

155 Seo ke se sengwe go swana le kereke lehono. Modimo o šikintše mohuta wo mongwe le wo mongwe wa mpho pele ga kereke, yeo A tshepišitšego go e šikinya, gomme go le bjalo re tsepeletše ka lefaufang. Le a bona? “Bahlomphegi, re rata . . . Mohlomphegi, Morena, re tla hlologela leswao go tšwa go Wena.” Le a bona? “Morena, re tla hlologela se.” Ge, O dirile se sengwe le se sengwe, ka Beibeleng, A tshepišitšego go se dira. Re mo nakong ya bofelo.

156 Gomme selo sa pele le a tseba, le ya go hwetša, o re, “Gabotse, a ga go a ngwalwa gore re swanetše go ba le Tlhatlogo?”

157 Gomme go tla ba boka go bile ka Johane Mokolobetši. Ba rile, “A ga gwa ngwalwa ka Lengwalong gore go swanetše go ba, pele, go tla ba le Eliase a tlogo?”

O rile, “Eliase o šetše a tlile gomme ga se la e tseba.”

158 Le lengwe la matšatši a, ge Tlaišego e dula, o tla re, “A go be go se gwa swanela go ba Tlhatlogo pele?”

159 Gomme e tla ba, “E šetše e fetile, gomme ga se o tsebe selo ka yona.” Le a bona? E tla tla bjalo ka lehodu bošego.

160 Ke a le botša, ke nako ya badumedi go lokiša mabone a bona, ba be godimo ga menwana ya bona. Nako ya go bitša e batametše. Re swanetše go elelwa seo.

161 Salomo, ba mo dumetše, batho bohle, ka pelo e tee le mmero o tee, gomme ga go makatše molaetša o ile mogohle.

162 Eupša, lehono, ge Modimo a romela se sengwe, ge se ratha ke—ke kerekeina ye e itšego, kereke, ba bangwe ba ka se be le selo go dira le yona. Aowa, mohlomphegi. Ge e ratha Mabaptist, le se ke la lebelela Mamethodist go dira e ka ba eng. Ge e ratha Pentecost, lebelelang bobedi bja bona go dula ntle, gobane ka kgontho ba tla e dira. Kafao ke lena bao. Go ya le gore e tšwa kae. E swanetše go tla go kgabola ntikodiko ya bona goba ga se ya loka.

163 Seo ke selo sa go swana ba se nagannego ge Modimo a rometše Jesu, gore O tla swanela go Mo romela ka Bafarisei, goba Basadutsei, goba ba bangwe ba bona. Gomme O Mo rometše go bohle ba bona, e sego le ka o tee wa bona. Yeo ke tsela ye Modimo a dirago. O no . . . Yena, le a bona, ga se A tsoge a tla go e ka ba mang wa bona. O tlile, a ba bitša sehlopha sa dinoga ka bjanyeng. Yeo ke nnete.

164 Gomme kafao re hwetša gore Modimo o dira dilo ka tsela ya Gagwe Mong. Gomme re ka se kgone go ripa le go omiša e ka ba eng, le go re, “Ye ke karolo ya ka, gomme ga o ne taba. Ga o bone ka digalase tša ka, ga se wa lebelela.” Aowa. Modimo o ne galase go rena go bona go kgabola, yeo ke Moya wo Mokgethwa. Gona e bona Lentšu la Modimo gomme ya Le dumela, le go rata le go

kopanela, gomme lepae le kgole go lekanela moagišani. Gomme le tseba se ke se rago.

165 Lefase le hwela lerato le lennyane, le yo mongwe go tshwenyega ka bona. Yeo ke nnete. Ba bone bontši kudu bja tše tša go tonya, tša go thatafa, dilo tša kgokgorothwana. Eupša, ke a le botša, taba ye ya nako ya kgale ya phološo e tla dira ro—ro roko ya kaliko le roko ya siliki ba bea matsogo a bona go dikologana seng sa bona. E tla dira tuxedo le para ya dioborolo go bitšana seng “ngwanešu.” Ka nnete e tla dira. E tla tšea kgokgorothwana thwi go tšwa go wena, ge ka kgonthe o hwetša Kriste ka bophelong bja gago, ka tsela ya maleba. Ka kgonthe e tla dira.

166 Bjale, re hwetša gore Salomo, lebaka le legolo, gore tumo ya gagwe e ile mogohle go kgabola dinaga tšohle, gomme mofeti o kwele ka yona. Ba e tšeetše ka go dinaga tše dingwe. Gomme tse—tse tsela e nnoši ba bilego le yona nako yeo, e be e se thelebišene le dilo tše ba nago natšo lehono, le dikuranta. E be e etšwa dipounameng go ya tsebeng. Gomme dikharabane tša bona di be di tla tla go kgabola, le go feta go kgabola, le go topa kgwebo, le go e iša go ditšhaba tše dingwe. Gomme mafelelong tumo ya gagwe e fihlile tlaselase go kgabaganya leganata la Sahara, ka lefelong le le bitšwago Seba.

167 Go bitšwa mo, “Kgošigadi ya Borwa.” A re boleleng ka yena, metsotso e se mekae. O be a le yo monnyane, kgošigadi ya mohetene. O be a godišeditšwe go rapela medingwana.

168 Eupša, le a tseba, “Tumelo e tla ka go kwa, go kwa Lentšu la Modimo.”

169 Gomme tlaselase ka fale, Lentšu le fihlile, gore, “Modimo, Modimo yo a phelago, o be a phela magareng ga batho ba Gagwe.” Gomme pelo ya gagwe ye nnyane ya thoma go taboga bakeng sa lethabo.

170 Gomme nako le nako mosepedi a tla fetago go kgabola, ka mmušong wa gagwe, go dira kgwebo, ya dinoko le eng kapa eng ba bego ba swanetše go e fetolanya, le go ya pele, le mabje a bohlokwa, gobaneng, o be a tla ba biletša sebong, le go re, “A le fetile go kgabola Palestina?”

“Ee.”

171 “Le ile go kgabola Israele. E re, ke nyaka go botšiša se sengwe. A ke therešo gore Modimo wa bona o magareng ga bona?”

172 “Oo, ke e bone! O swanetše. Gobaneng, ga se nke wa ke wa bona e ka ba eng boka yona. Modimo wa bona o tlile tlase le go tlotša yo mongwe wa baena ba bona, gomme ba mo dirile kgoši. Gomme, oo, e, o swanetše go bona botee bja batho! Bohle ba ka pelo e tee le mmero o tee. Gomme Modimo yoo o no nešetša ditšhegofatšo fase. Gomme o na le ye kgolo, mpho ye maatla ya



tlhatho. Gomme o no . . . Ge o etla pele ga gagwe, go ka godimo ga motho. Ke—ke sa kagodimogatlhago, ka fao a kgonago go tseba dilo.”

173 Pelo ya gagwe ye nnyane e thoma go rethetha. “Go ne se sengwe sa kgonthe.” O nyakile go bona seo. Gabotse, e ile pele le pele. Selo sa pele le a tseba . . .

174 Le a tseba, tumelo e tla ka go kwa. Gomme ge Modimo a eya go šogana le pelo ya motho, go na le se sengwe se diregago ka gare, seo o no se kgonego go se arabelela.

Letšatši le lengwe le le lengwe, a thoma go nyorwa. O be a nyaka go e bona.

175 Le a tseba, Beibele e rile, “Ba lehlogonolo ke bao ba swerwego ke tlala le go nyorelwa toko, gobane ba tla tlatšwa.”

176 Bjale re hwetša. A re nong go e diragatša gannyane, gore bana ba e sware. Ke kgona go nagana ka letšatši le lengwe o be a feditše le monagano wa gagwe gore o be a eya go hwetša ge eba e be e le therešo goba aowa.

177 Seo ke selo se sebotse. Gabotse, boka re boletše ka Filipi bošegong bja go feta, “Etna, iponele wenamong.”

178 O be a thomile mohlomongwe go reka di—di Dibeibele, Testamente ya Kgale, ka dingwalwa, disekrolo. Gomme a thoma go bala, go bona se Modimo yo a bego a le sona, yo ba bego ba bolela ka yena. O bone ka fao A šomilego ka tthagong ya Gagwe.

179 Gomme ka gona a hwetša gore yona tlhago le bophelo bja Modimo yola bo be bo bonagatšwa ka monna, go itira Yenamong go tsebja go batho ba Gagwe, ka batho, se A tshepišitšego go se dira. Gabotse, pelo ya gagwe e thoma go swarwa ke tlala, go e bona. Kafao bjale o . . .

180 Letšatši le lengwe, o tšere kgopolo gore o be a eya go iponela, yenamong.

181 Bjale, yeo ke kgopolo ye botse. Eya o ikhweletše, wenamong. O se tšee se yo mongwe gape a se bolelago. Eya o hwetše. “Phetlang Mangwalō,” Jesu o rile, “ka gore ka go Wona le nagana gore le na le Bophelo bjo Bosafelego. Gomme Ke Wona a pakago ka Nna.” Feela se A se boletšego.

182 Hlokomelang bjale. Mohumagadi yo monnyane, go dira se, o bile le dišitiši tše ntši.

183 Bjale, selo sa pele a bego a swanetše go se dira, o, sa pele, o be a swanetše go ya go moprista wa gagwe wa mohetene le go hwetša tumelelo, gobane o be a le kgošigadi, mosadi wa go hlomphega. Gomme kereke ya mmušo, le a tseba, fao, e ile ya swanela. Ba ile ba swanela go fa šedi, gobane o be a eya go swanela go—go tlogela bodumedi bja gagwe mong, go ya go hwetša ka yo mongwe yo a bego a sa tsebe selo ka yena, eupša o be a swerwe ke tlala go tseba ka yona. Kafao ke kgona go eleletša

a sepelela godimo go tate yo mokgethwa wa tempele ya bohetene, gomme o rile, “Tate yo Mokgethwa, Ke hlologela . . . ke kwa gore godimo ka Israele ba na le mo—mo Modimo yo mogolo godimo kua, yoo a itsebišago Yenamong ka batho ba Gagwe. Ba dira maswao a magolo, le matete, le mehlolo.”

<sup>184</sup> Ke kgona go kwa moprista a re, “Bjale, morwedi wa ka, seo ga se selo eupša sehlopha sa bapshikologibakgethwa. O se ke wa theetša seo. O a bona? Bjale, ge eba go ne e ka ba eng e kगतlampanago, e tla ba thwi fa ka go sehlopha sa rena beng. O bona modimogadi yo mogolo Dagone le bohle ba bangwe ba fa? O bona badimo ba bagolo ba re nago le bona fa?” Kgošigadi ye nnyane e sepetše, metsotso e se mekae.

<sup>185</sup> Le a tseba, ge Modimo a eya go šogana le pelo ya motho, go bothata go bolela e ka ba mang go tloga go yona. Le a bona?

<sup>186</sup> O rile, “Eupša, lebelela, mohlomphegi.” O rile, “Ba mpotša gore dipoelo tša kgonthe di a direga. Go na le se sengwe se a direga, gore Modimo o šomiša dipounama tša motho, ka bohlale bjo bo lego godimo go motho e ka ba mang a tsebjago. Ke ka godimo ga go hwetša, maatla ao Modimo a a filego magareng ga batho ba Gagwe. Gomme bohle ba mmero o tee. Ke nyaka go ya go e bona.”

<sup>187</sup> “Gobaneng,” o rile, “wena, o tla theoša maemo a gago, morategi, ge o tlogetše kereke ye. O ka se kgone go tsenela tsošeletšo yela. Kafao, ga re thekge yeo ka tšelete.”

<sup>188</sup> Eupša, le a tseba, ka mokgwa wo mongwe, ge—ge—ge pelo ya motho e eya go swarelwa Modimo ke tlala, thekgo ka tšelete goba ga go thekgo ka tšelete, o a ya, go le bjalo, le a bona, ge—ge Modimo a eya go mekamekana le motho. Gomme ke a holofela ga le nagane ke a swaswalatša, eupša ke no dira ntlha. Le a bona?

<sup>189</sup> Bjale hlokomelang. Selo sa pele le a tseba, gobaneng, o rile, “Lebelela. Bjale, lebelela. Ke bile ka tempeleng ye ge e sa le ke gafelwa mo bjalo ka mosetsana yo monnyane. Mme wa ka o gafetšwe fa. Makgolo wa ka o gafetšwe fa. O mpoditše tšohle ka ga maatla a modimo yola. O mpoditše dipuku tšohle o di badilego ka yena. Gomme ga se a dira mosepelo o tee. Tšohle ke di bonego, go bala mo lephepheng, feela sehlopha sa go hwa sa dithutotumelo. Eupša ba mpotša go na le se sengwe godimo kua se se phelago.” Amene. Šegofatša pelo ya kgošigadi ye nnyane yela! “Tšohle ke di tsebago ke thutotumelo tsoko ye ke e boletšego mo. Ga se ka bona mosepelo wa kagodimogatlhago goba selo gape. Ka nnete, go kgabola wo mongwe wa moloko wa rena, fao go bile mosepelo felotsoko. Feela, feela maikutlo a mannyane, go re dira bohle go tla ka gare le go rapela. Eupša ba mpotša gore yo ke Modimo yo a phelago yo a phelago ka go batho ba Gagwe. Gomme seo ke sehlwaseeme.”

190 “Bjale, lebelela mo, morategi. Ke tla go kgaola. Leina la gago le tla tlošwa thwi go tloga pukung ge o dirišana godimo kua. O a bona?”

191 Eupša ga se e dire phapano go yena. Le a tseba, o be a na le dišitiši tše ntši, eupša tumelo ya gagwe e be e se na le ye e itšego.

192 Tumelo ya gago ga e na le dišitiši. Ga ke kgathale mo e lego, se e lego sona, ga go kgathale gore ke mang a sa rego. Ge Modimo a thoma go mekamekana le pelo yela ya motho, e thoma go rethetha ka fale, gore ke Therešo, gomme o e hwetša go ba Therešo, ga se gona se yago go go thibela go Jesu Kriste. Nnete. O a ya, go le bjalo.

193 Kafao ga go kgathale ke dithutotumelo tše dintši gakaakang a kgonneggo go di reta, le ka fao a bilego go rutega gabotse, le ka fao a kgonneggo go inama, le ka fao a kgonneggo go ikala yenamong pele ga modingwana, seo ga se se dire phapano e tee ya nthatana go yena. O be a nyoretšwe Modimo. O be a nyaka go hwetša, gomme o be a sa ye go kgotsofala go fihla a hwetša, ka boyna. O be a bone ka Lengwalong, seo ke se A bego a swanetše go ba sona. Eupša, bjale, a se tla šoma? Seo ke selo sa go latela.

194 O ka bolela ka e ka ba eng, eupša a e tla šoma? O ka bolela dipalontshetshere tšohle tša yona, eupša a e tla šoma? Ke selo sa go latela. Bjale re a hwetša.

195 Bjale, selo se sengwe a bego a swanetše go se lebanya. Bjale, o naganne, ge a ile godimo kua. Elelwang, leganata le be le tletše bana ba Ishmaele, gomme ke banamedi ba maoto le bahlakodi. Leganata ka moka le be le tletše bahlakodi mo matsatšing ao. Gabotse, mohumagadi yo monnyane, o naganne se, “Ke ya godimo go hwetša ge eba ke therešo. Ke ya go tšea moneelo tsoko, gomme ge e nnete, ke tla e thekga. Ge e se nnete, nka kgona go tliša moneelo wa ka morago.”

196 Batho ba Pentecostal ba swanetše go theetša mosadi yola. Go thekga dilo tše di dirago metlae ka lena? Go lesa lenaneo la gago mong la seyalemoya le ye tlase, le se sengwe le se sengwe gape sa batho ba geno mong? Go lokile.

197 O be a na le sekwi sa go tlwaelega. O rile, “Ge ke hwetša gore ke therešo, e swanela se sengwe le se sengwe go nna. Eupša ge e se therešo, gona ke tla tseba ga se therešo. Ke tla ya le go iponela nnamong. Gomme ke tla tšea . . .” O laišitše dikamela ka diorelo, le—le mira, le gauta, le silibere, le dinoko tša go turwa, le—le dilo tše e bego e le tše boleng. O laišitše dikamela.

198 Gomme bjale elelwang, ga se a ye godimo ka Cadillac ya sefehlamoya. O be a swanetše go ya godimo ga mokokotlo wa kamela, go kgabola leganata la Sahara.

199 Ga go makatše Jesu o rile o tla ema mo molokong, a ahlola moloko wo. Gomme batho ba bangwe mo ba kgona go tseba selo

sa go swana se yago pele, gomme ba ka se sepele go kgabaganya mokgotha.

<sup>200</sup> Ela ke bokgole bjo bokae go tloga Palestina, go tloga—go tloga Jerusalema, go theogela mo a bego a le gona. Le tseba gore go ba tšere botelele bjo bokae? Dikgwedi tše tharo, godimo ga mokokotlo wa kamela, go kgabola leganata le le tukago la go fiša. Gomme o be a na le eng? Feela balaki ba se nene le methepana ya gagwe le yena. Go molaleng o be a swanetše go sepela bošego. Phišo thwi ya leganata lela la Sahara e a šiiša, e go tshuma thwi tlase. Gomme o ile a swanela go sepela bošego.

<sup>201</sup> Eupša, le a tseba, go na le se sengwe ka yona, gore ge pelo ya gago e thoma go swarwa ke tlala le go nyorelwa Modimo, ga o iše šedi e ka ba efe go dikotsi goba felotsoko. Ngaka a ka no re o ya go hwa ka kankere. Eupša ge pelo ya gago e ka tsoge ya ratha tumelo ka go Modimo, o a tseba, o lebala se ngaka a se boletšego. Pelo ya gago ga e tsebe poifo, ge feela e tladišwe ka tumelo.

<sup>202</sup> O ile pele, a sepela bošego, mosegare ka gare le ka ntle, mosegare ka gare le ka ntle, a bala disekorolo tšeo. “Bjale a re boneng se Jehofa a lego, se A bilego, se A se tšhepišitšego, le go ya pele, se A tla bago. Gomme ke tla hwetša ge eba yoo ke Yena ka go monna yo. Ke tseba se batho ba lego. Gomme ke a dumela ke tla tseba se Modimo a lego, gobane ke badile se A bego a le sona.”

<sup>203</sup> Gomme a nke ke bolele se go Tucson bošegong bjo, O a swana maabane, lehono, le go ya go ile. Yeo ke nnete. A ka se kgone go fetoga. Batho ba a fetoga. Nako e a fetoga. Eupša Yena ke Modimo wa go se fetoge, ka Molaetša wa go se fetoge. E ka se kgone go fetolanyetšwa bakeng sa dithutotumelo. E ka se kgone go fetolanyetšwa go maemo a kerekeleina. E swanetše go ba maatla a tsogo ya Jesu Kriste ka go Tswalo ye mpsha, ka Moya wo Mokgethwa. Seo ke senyakwa sa Modimo. Ga go selo bonnyane goba selo bontši, eupša seo.

<sup>204</sup> Bjale re hwetša, mafelelong, ka morago ga mathata a gagwe— a gagwe ohle le go ya pele; pelo ya gagwe, e nyorilwe. Gomme ge a thoma go batamela toropokgolo ya Jerusalema, ke kgona go bona mahlo a gagwe a phadima godimo. Gomme o beile disekorolo kgole, gomme o hlomile kampa thwi ka ntle, mohlomongwe mo keiting ya paleisi felotsoko, go itokišetša kopano. Bjale, mohlomongwe o fihlile nakong ya mantšiboa.

<sup>205</sup> Mosong wo o latelago, ka leselaphutiana, o ile kerekeng moo modiša a bego a eya go bolela. Gomme ge a etla kerekeng, o bone batho bohle ba tšea mafelo a bona, gomme mmimo wa thoma go bapala. Gomme morago ga lebakana, Modiša Salomo o sepeletše ntle. Mohlomongwe o be a ne setulo moragorago ka morago ga kereke, eupša o be a rata go dula, go bona se se bego se tla bolelwa.

206 O be a se bjalo ka batho ba lehono. O bolela selo se tee seo se sa . . .yo mongwe a sa dumelelanego le sona, ga ba ne kgotlelelo botelele bja motsotswana. Le a bona? Kafao ke ka baka leo ba sa yego felo. Eupša o be a nyaka go kgotsofala. Bjale, ga se a tla go re, “Ke tla no ya godimo kua,” boka batho ba dira lehono, “gomme lentšu la pele leo moebangedi a le bolelago, seo se fapana gannyane le se ke se dumelago, ke tla emelela le go sepelela ntle.” Le a bona? Gabotse, mohlomongwe ba dira seo. Le a bona? Eupša go laetša go godišwa ga go šokiša, lefelong la pele, gomme go laetša mekgwa ya go šokiša. Eupša, go le bjalo, batho ba dira seo lehono. Gobane, ba ikwela ga ba swanela go e dira. Ga ba dire. Eupša o swanetše go kopana le Modimo, gomme o swanetše go araba.

207 Bjale re hwetša gore mosadi yo, o na le, o a tla, e sego go no dula bakeng sa molaetša o tee, o tlile go dula go fihla a kgodišegile ge eba e be e le nnete goba phošo. Gomme o tšere lefelo la gagwe, gomme o letile.

208 Gomme ka gona wa pele o tla godimo pele ga Salomo. O lemogile gore bohlae bja tlhatho yela bo boditše motho yola feela tlwa diphiri tšohle tša pelo. Pelo ya gagwe ya thoma go taboga. O tsebile gore go be go le se sengwe sa kgonthe. Gomme molato wo o latelago wa tla kgauswi, e be e le selo se se swanago. Ka gona a thoma go nyorwa, ka boyena.

209 O bile le mathata a mantši, Mangwalo a a re botša, gore o nyakilego go tseba ka wona. Gomme ge a etla, mafelelong, mohlomongwe o mo hweleditše karata ya thapelo. Mohlomongwe nomoro ya gagwe e biditšwe, re tla e bolela, feela go e bolela. Eupša ge a fihla pele ga Salomo, go le bjalo tselo e bilego, ge a fihla godimo pele ga Salomo, Beibele e boletše gore go be go se selo seo se sa dirwago go tsebja go Salomo seo a sego a mo utollela. Dilo tšohle tše a bilego le tšona, di utilwe ka pelong ya gagwe, Salomo o e utolotše ka Moya wa Modimo. Gomme ge a bone se se direga, ka moka bo—bo bophelo gabotse bo be bo tšwetše ka ntle ga kgošigadi ye nnyane.

210 O eme godimo magareng ga batho, gomme o rile, “Morena Modimo wa Israele a šegofatšwe. A go šegofatšwe Morena Modimo Yo a kgethilego Israele bakeng sa batho ba Gagwe, gomme o beile Moya wa Gagwe godimo ga kgoši ya Gagwe gomme o bontšhitše bohlae bjo.” O rile, “Ba lehlogonolo ke banna ba ba nago le wena nako yohle, ba ba bonago mpho ye kgolo ye e šoma. O wa lehlogonolo, le go go bona.” O nyakile, ebile, go tšeela le lengwe la lerole go tšwa—go tšwa godimo ka Israele tlase go naga ya gabo. O be a kgodišegile ka go tsenelela gore e be e le Modimo. Gomme o rile, “Tšohle tšeo ke di boditšwego, ga se ke tsebe ge eba go e dumela goba aowa. Eupša bjale ke e bone e šoma go ba bangwe, gomme bjale e šomile go nna, gomme ke a tseba gore ke nnete.”

211 Ga go makatše Jesu o rile, “O tla tsoga ka Letsatši la Kahlolo gomme a ahlola moloko wo. Gomme, bonang, yo mogolwane go feta Salomo o fa.” Salomo o be a le motho ka mpho ya tlhatho. Bjale, Jesu Kriste o fa ka sebopego sa Moya wo Mokgethwa, ka—ka dimpho tšohle tše Kgethwa ka go mmele ka moka wa Kriste, di dirwa go bonagala. Dilo tšohle tšeo A di tshepišitšego go Kereke, di bontšhwa go rena.

212 Gomme ba bangwe ba rena re tshwenyega gannyane kudu. Ba bangwe ba rena re bjalo: re tšwelapele re lebeletše pele. Ge feela Sathane a ka kgona go go dira o lebelele pele bakeng sa se sengwe godimo mošola, o feta godimo ga sona selo seo Modimo a go filego.

213 Theetšang tshwao ye. “Motho o tumiša Modimo kgafetša bakeng sa se A se dirilego, le go lebelela pele go se A tla se dirago, gomme ba hlokomologa se A se dirago.” Ao ke maemo a motho. Ka mehla O dirile seo, gomme ke selo sa go swana bošegong bjo. Banna ba lebelela godimo, le go lebelela morago, le go bona se Modimo a se dirago; le go bolela ka Modimo yo mogolo morago mošola ka Pentecost, le go lebelela Letsatši le legolo la Mileniamo ge A tla tla gape, gomme ba hlokomologa sona Sephedi sa Gagwe ka bogoneng bja batho ba Gagwe, se dira komana bakeng sa Mileniamo wola. Ba a se hlokomologa. E no ba tlhago ya batho go dira seo.

214 Sathane o tsena magareng ga bona, go uta mahlo a bona go tloga go sona selo seo Modimo a se rometšego go bona. Seo ke sohle a swanetšego go se dira. O ya kerekeng bontši bjo o nyakago, dira e ka ba eng o dumago, eupša go hlokomologa tšona dilo tšeo Modimo a re romelago go, gobaneng, re—re gannwe—re gannwe.

215 Ke eng e dirilego mosadi yo monnyane yola go bolela seo? O bone se sengwe sa kgonthe. O bone se sengwe seo se bego se no se be sehlopha sa dithutotumelo. O bone se sengwe se bonagatšwa gomme se le sa mmapale.

216 Go nna, eng ka eng ye e netefaditšwego go ba ya mmapale, ke ya mmapale. Ke a nagana, lehono, gore lefase ka moka le swanetše go ba le kgahlego. Ge re dumela gore re phela mo nakong ya bofelo, gomme re dumela gore go Tla ga Morena Jesu go batametše, re swanetše go ba le kgahlego tlwa ka go dilo tše di yago pele tša letsatši le. Re swanetše go e hlahlofa ka Lentšu la Modimo. Gobane, re tla rothela thwi kgauswi, e tla be e fetile gomme re ka se tsebe selo ka yona. Yeo ke tsela ka mehla go bilego.

217 Batho ga se ba ke ba tseba bakgethwa go fihla ba hwile. Ga se ba ke ba lemoga baprofeta go fihla ba hwile. Jesu o rile, “Lena baikaketši.” O rile, “Ka fao le kgabišitšego ma—ma mabitla a baprofeta, gomme botataweno ba ba beile ka fale.”

Ga se ba ke ba lemoga Mokgethwa Patrick go fihla a hwile.

218 Joan wa Arc, ga se nke ba mo lemoga go ba mokgethwa. Kereke ya Katoliki e mo tšhumile, koteng, bakeng sa moloi, gobane o bone dipono. Gomme ya mmitša moloi, gomme ya tšhuma mosadi yola, koteng, a llela mogau. Mengwaga ye mmalwa ye lekgolo moragorago, ba hweditše gore o be a le mokgethwa. Nnete, ba dirile boitsholo. Ba epolotše mmele wa baprista le go o lahlela ka nokeng. Boitsholo. Ka kgonthe.

219 E ya thwi ka godimo ga hlogo ya bona, gomme ga ba e tsebe. Modimo o e dira ka tsela yeo, go ntšhetša ntle bana ba Gagwe ba ba kgethilwego, le go tliša kahlolo godimo ga lefase yo a ganago Lentšu la Gagwe gomme a gana Bogona bja Gagwe.

220 Lebelelang badiredi bale bohle mo letšatšing lela, ba lebeletše go mpho ya Modimo ka go Jesu Kriste, gomme ba rile, “E be e le diabolo. Ga ra swanela go kwa go Yena. Baprista ba rena ba ganetšana le Leo.” Ba mo kae bošegong bjo?

221 Gomme lebelelang mosadi yola yo monnyane wa kgale wa tumo ye mpe, Peu yela ye nnyane e kgethetšwegopele ya Modimo e tuka ka pelong ya gagwe. Gomme ka pela ge Leo le phadimile go kgabaganya, o rile, “Mohlomphegi, ke a bona gore O moprofeta, gomme ke a tseba Mesia o tla go dira se,” le a bona, ka pela ge selo sa pele se phadimile, Peu yela ye nnyane e kgethetšwegopele ka pelong ya gagwe.

222 Leina la gagwe le beilwe godimo ga Puku ya Kwana ya Bophelo pele ga motheo wa lefase. Gomme go bile bjalo ka la gago, ge le tsogile la ba Kua. Le a bona? Yeo ke nnete.

223 Gomme ka pela ge phadimo yela e etla kua! Gomme o tsebile gore yeo e be e le iri ye ba bego ba e nyaka, Mesia, gomme seo ke se A bego a swanetše go se dira. Gomme ge a se bone se direga, o tsebile e be e le Mesia nako yeo, gomme ga se nke a Mmotšiša gape. O kitimetše ka toropongkgolo, gomme a re, “Etlang, bonang Monna yo a mpoditšego dilo tše ke di dirilego. A leo ga se lona leswao la Mesia?” O bone se sengwe sa kgonthe.

224 Kgošigadi ye nnyane ye e bone se sengwe sa kgonthe. Se fetola pelo ya batho.

225 E a nkgopotša. Bjalo ka ge lena bohle le tseba, ke—ke rata go tsoma. Ke be ke tsoma, godimo ka dithabeng ka Bohlabela. Go tswaleleng bjale, ke no nyaka go le botša se. Tiragalo ye nnyane e diregile. Oo, ke—ke rata go dikela ga letšatši. Ke rata tlhago. Ke rata go kwa pitšo. Ba bolaya dikhoyothe tšohle le dilo. Ke rata bjang go di kwa di goelela! Ke—ke—ke—ke. . . Feela se sengwe ka yona! Ke a e rata. Gomme ke rata ka ntle, botebo bo bitša Botebo. Ke Modimo, go nna. Go kwa go sebana ga mephaene, le ga pitšo ya dinonyana, ke Modimo ka go yona, go nna.

226 Bjale hlokomelang. Ke be ke fela ke eya godimo fale go tsoma le moisa yo a bitšwago Bert. O be a le motsomi yo mokaone. O be o se wa swanela go tshwenyega ka yena. O be a le mothunyi wa

maleba le motsomi yo mokaone, gomme o be o se wa swanela go tshwenyega ka yena a lahlelegile. O tsebile moo a bego a le gona.

227 Ke fihlile godimo kua thari, ngwaga wo mongwe, go tsoma le yena. Go ne phošo e tee feela ke e hweditšego go Bert. O be a le motsomi yo mokaone, eupša o be a le monna yo sweleswele nkilego ka kopana le yena bophelong bja ka. O be a na le mahlo boka mokgaritswane, ona, mohuta wa go swana le mahlo a go fekama, le a tseba, boka basadi ba bangwe ba penta mahlo a bona lehono, godimo, mohuta wa go swana le katse, gomme o bile. O bile le wona mohuta wa mahlo, le a tseba, mohuta wa mahlo a go lebeга go segiša. Gomme o be a le sehlogo kudu. O be a fela a thunya mabotlana feela go ntira ke ikwele gampe. Gomme o be a fela a re go nna, “Ao, lena bareri le sehlopha sa pelwana ya kgogo,” Le a bona?

228 Gomme ke rile, “Bert, ge molao o re o ka bolaya lebotlana, seo se lokile, gobane bo—bo bogolo goba bong bja phoofolo ga bo kgathale ge molao o re o ka kgona go e dira.” Le a bona? Ke rile, “Ga go selo ka go bolaya kwana. Abraham o bolaile kwana gomme a fepa Modimo ka yona. Yeo ke nnete.” Ke rile, “Ga go selo ka go bolaya lebotlana. Eupša, Bert, o e dira feela go ba swele. O thunya le tee, morago wa thunya le lengwe, morago wa thunya le lengwe. Yeo ke swele. Seo ga se sa loka go dira seo. Yeo ke polao.”

229 O rile, “Aa, Billy, etla kgauswi le wenamong. O pelo ya kgogo boka bareri ka moka.” Oo! O be a le sehlogo.

230 Eupša letšatši lela ge ke ile godimo kua, mosadimogatša wa ka o be a na le nna. Re ile ka ntlong ye nnyane ya dikota, lefelo la marobalo kua, le magagešo a basadi, le go ba komana. Gomme Bert le nna re tlogile mosong woo. Ka mehla re rwele le—le—le lebotlelo la flaseke le tletše tšhokolete ya go fiša, le sangwetše. Gomme re be re tsoma godimo go fihla e ka ba ka sekgalela, gomme morago re be re tla arogana, re eya godimo ka godimo ga Presidential Range, le Thaba ya Wilson, Thaba ya Adams, le go ya pele. Gomme ka gona re tla arogana le go tla morago le go tsena ka kampeng bošego bjoo. Re tsomile tshepe ya moselamošweu, tshepe ye kaone ka kgonthe. Kafao re . . .

231 Ngwaga woo, o rile go nna, ge re tloga mosong wola, o rile, “Hei, Billy, ke go hweleditše sa go makatša. Ke ya go di hwetša ngwaga wo.”

232 Ke rile, “Ke eng seo, Bert?” O obeleditše fase ka potleng ya gagwe gomme a gogela nakana ye nnyane ntle ye a e dirilego, e kwagala feela bjalo ka tshepe ye nnyane ya lesea e bitša mmago yona. Le a tseba, lebotlana le lennyane le bitša, lešata le lennyane lela la “wee” le dirilwego.

Ke rile, “Bert, o ka se šomiše se sengwe boka seo.”

233 O rile, “Ao, ke wena yoo. O sa le pelwana ya kgogo, a ga o?” Gomme kafao re ile pele.



234 Gomme go mohuta wa thari mo sehleng. Tšona ditshepe tša moselamošweu, ge di thuntšhitšwe, makga a se makae, oo, nna! Le bolela ka go khuta! Houdini e be e le magogorwane. Kafao ka mokwga wo di kgonago go utama! Gomme kafao nako yeo re—re ile go fihla ka iri ya lesometee. Go be go le e ka ba diintšhi tše tshela tša lehlwa mo mobung. Ebile re be re sa bone mohlala. Ka kgonthe di be di utamile gabotse.

235 Kafao, go bapa e ka ba ya lesometee, iri ya lesomepedi, go be go le mohuta wa go hlehla ga lehlwa, le lefelo le le bulegilego, se sengwe bogolo bja kamora ye fa. Gomme Bert o be a no ba pele ga ka. O ile a no inamela fase ka mokgwa *wo*, gomme a thoma go obeletša morago ka jaseng ya gagwe mo. Gomme ke naganne o tla dira, re tla ja sangwetše ya rena, gomme morago re tla arogana le go ya morago kampeng, go boela morago bošegong bjoo. O be a phopholetša morago. Ke naganne o be a eya go ntšhetša lebotlelo la gagwe ntle, le a tseba, ka tšhokolete ya gagwe ya go fiša, kafao ke obeleditše morago go tšea ya ka. Gomme ge ke dirile, o tlile ntle le nakana ye nnyane ye.

236 O lebeletše godimo go nna ka wona mahlo a mokgaritswane, le a tseba, gomme a bea nakana ye nnyane yela ka molomong wa gagwe, ka mokgwa *woo*. Gomme o e buduletše, feela boka lebotlana le lennyane, goba moisa yo monnyane a bitša mmago lona. Gomme ge a leditše nakana yela, feela go kgabaganya molalana wola, tshepe ya mme ye kgolo, tshepetshadi, e emeletše. Yoo ke mme tshepe. O tabogetše godimo. O kwele pitšo yela ya lese. Ke be ke kgona go mmona a lebelela godimo go nna, ka mokgwa *woo*, gomme a tšinya. Ka gopola, “Bert, o ka se dire seo. Ka nnete o ka se ke.” Gomme o inamišeditše hlogo ya gagwe fase. O butšweditše gape.

237 Ke kgona go no bona ditsebe tša gagwe tše kgolo, wona mahlo a magolo a matsotho. O sepeletše thwi ntle ka go sekgese. Bjale, seo se a makatša go tshepe go dira seo, gagolo nako yeo ya letšatši, gomme thwi ntle ge sehla sa go tsoma se le ka gare, go sepelela ntle ka mokgwa *woo*. Eupša o sepeletše thwi ntle ka go sekgese sela, molalana wo monnyane, mohlaka wo monnyane. Seo ga se se tlwaelege kudu go yena go dira seo. Eupša gobaneng a e dirile? O be a le mme. Ka kgonthe o be a tswetšwe a le mme. Gomme pitšo yela ya lese la gagwe, ga se a ke a nagana ka kotsi. O be a nagana ka lese la gagwe.

238 Gomme ge ke mmone a retolla lehlakore la bophara; Bert, ke mo kwele a theoša pouto go yela .30-06, gomme o be a ne maleba. Ke mmone a rotoga go dikologa le go bea moriri wa sefapano wa sekoupo thwi go putla pelo ya gagwe ya go botega.

239 Ke naganne, “Bert, o ka kgona bjang go e dira? O ka kgona bjang go e dira? Ka kgonthe o ka se e dire.” Ka gopola, “Mme yola, a sepelela ntle kua go tšea lese la gagwe, gomme ka gona

o tla rathaganya pelo yela ya go botega go tšwa go yena. O ka kgona bjang go e dira, Bert?” Gomme ke eme fale.

Ke mmona a ikhomotša fase yenamong, a lekanyetša fase ka mokgwa wola.

<sup>240</sup> Ke naganne, “Oo, nna! Ga—ga ke kgone go e šetša.” Ke naganne, “Mme yola, a ka se kgone go e thuša.” Ga a dire go ba mahlajana. Ga a itiriše. Ke mme, ka go yena. Karolo ya gagwe—ya gagwe—ya gagwe, ka go yena, ke mme. Gomme leo e be e le lesea le bitša, ka bothateng, gomme o a le tsoma.

<sup>241</sup> Gomme ge pouto e wele, tshepe e retologile gomme ya lebelela go motsomi, ka baka la gore o be a phagametše godimo. Seo go le bjalo ga se sa mo tswikinya. O be a loketše go hwa. O . . .

Oo, ge batho ba ka no ba ka mokgwa woo!

<sup>242</sup> Ke retolotše hlogo ya ka. Ke be ke sa kgone go mo šetša a mo thunya. Ke retolotše hlogo ya ka. Gomme ke thomile go rapela, ka setu, gobane ke tsebile o tla nkgakgautha ge ke lekile go mo raka. Ke—ke retolotše hlogo ya ka ka mokgwa *wola*, gomme ke rile, “Tate Modimo, mo thuše. Mo thuše. O se ke—o se mo dumelele go bolaya mme yola, a leka go tsoma lesea la gagwe, gomme le lla ka mokgwa woo. O se ke—o se mo dumelele go mmolaya.” Gomme ke be ke retologa, ka mokgwa *wo*, gomme ke lemogile.

<sup>243</sup> Ke be ke theeditše, go kwa sethunya se thunya, motsotso e ka ba ofe, eupša sethunya ga se sa tsoge sa ragoga. Ke letile gomme ke letile. Gomme ge ke retologile go dikologa, go bona, o be a swere ka mokgwa *wo*. Ke bone sethunya se eya ka mokgwa *wo*.

<sup>244</sup> O retologile go dikologa, a lebelela godimo go nna, gomme go tšwa go wona mahlo a go lebega sehlogo a mokgaritswane, megokgo e be e rotha go tšwa marameng a gagwe. O ile a lahlela sethunya mobung. O ile a ntshwara go dikologa leoto la borokgo. O rile, “Billy, ntlahlele go Jesu yola yo o mo tsebago.” Thwi fale mo lešing la lehlwa, ke hlahletše motsomi yola yo sehlogo go Jesu. Ke motikone ka kerekeng ya Baptist godimo fale bjale.

<sup>245</sup> Gobaneng? E be e le eng? E be e se thero. E—e—e be e se dipina tše a di kwelego. Eupša o bone se sengwe seo e bego e se maitirišo, se sengwe seo e bego e se tirobofora. O bone se sengwe seo e bego e le sa mmapale. “Ge ba ka homola, maswika a tla goeletša.” O bone gore go be go le se sengwe felotsoko seo se ka kgonago go romela motho ka sefahlegong sa lehu, lerato le le kgonago go romela tshepe yela ya mme ka sefahlegong sa lehu, gomme efela a sa boife go hwa, gobane lerato la lebotlana la gagwe le bitša. O be a nyaka go tseba ge eba go be go le mo—mo Modimo yo a bego a ka kgona go mo fa mohuta woo wa lerato, gomme a le hwetša letšatši leo.

<sup>246</sup> Bagwera, yo mogolwane go Salomo o fa. Jesu o boletše nako ye nngwe. . . Go ngwadilwe ka Beibeleng, a ke re, “A mme a ka kgona go lebala lesea la gagwe la go anywa?” O rile, “A ka no dira

seo, eupša Nka se kgone go le lebala. Maina a lena a tlokilwe ka magoswing a diatla tša Ka.” Gomme a gona, ka mabadi a dipikiri diatleng tša Gagwe.

<sup>247</sup> Re lebeletše. Ka kgonthe, banna le basadi ba ba dumelago go Yena, ba lebeletše go bona se sengwe sa mmapale. A le ka se rate, bošegong bjo, go ba Mokriste bontši bjalo ka ge tshepe yela e bile mme? [Phuthego e re, “Amene.”—Mor.] Le a bona? O be a sa no ba mme wa maitirelo. O tswetšwe, mme. Go be go le se sengwe ka go yena, seo a bego a sa se boife selo, gobane se be se mmileditše ntle. Ge re ka no ba Mokriste yola yo montši, bjalo ka ge a bile mme! Ke ba bakae ba tla ratago go ba le boitemogelo bjola? [“Amene.”] “Modimo, a nke ke be komana, ka botshepegi go Jesu Kriste, go sepela ka sefahlegong sa tshwaswalatšo, go sepela ka sefahlegong sa eng kapa eng, le go pealatša lerato la ka la Modimo. Ga go kgathale ge batho ba gešo—ba gešo ba ntlhanogela, ge yo mongwe le yo mongwe a ntshega, ge yo mongwe le yo mongwe a mpitša wa fešene ya kgale, goba e ka ba eng ba e dirago, a nke ke pealatše lerato la Jesu Kriste ka pelong ya ka, ka go botega ka fao tshepe yela e kgonnago go pealatša bomme.” A o nyaka seo ka pelong ya gago? [“Amene.”]

Bjale inamiša hlogo ya gago gomme a re rapeleng.

<sup>248</sup> Tate wa Legodimong, yo mogolwane go Salomo o fa. Lerato le legolwane le fa go feta lerato lela leo kanegelo ye nnyane yela fale ya mme tshepe letšatši lela. Ka fao a bego a loketše go lebanya motsomi yola, go lebana le raborolo yela, ge a tsebile, ka motsotso e ka ba ofe, pelo ya gagwe e tla be e rathagantšwe go tloga go yena. Eupša, O Modimo, ge monna goba mosadi, goba ebile le sebata, se loketše go pealatša lerato! Ke a rapela, Tate, gore motho yo mongwe le yo mongwe ka fa bošegong bjo o tla amogela mohuta wola wa lerato, ebile le lerato le legolwane go feta le. A nke ba se ke ba lewa ke dihlong go amogela Jesu bjalo ka Mophološi wa bona. A nke ba se ke ba lewa ke dihlong ka se A ba diretšego sona. A nke a . . . ga ba ke ba lewa ke dihlong go Mmolela bjalo ka Morena le Mophološi. A nke ba se tsoge ba lewa ke dihlong go Mo amogela bjalo ka Mofodiši wa bona, ka gore go ngwadilwe, “ka megogoma ya Gagwe re fodišitšwe.”

<sup>249</sup> Modimo, a nke O tle bošegong bjo le go ba kgonthe ye bjalo go rena, gore re tla bona pealatšo ya Modimo magareng ga rena, ka tsela ye bjalo, gore re tla tseba gore Jesu Kriste, mmapolwa Morena, o tsogile go tšwa bahung gomme o eme magareng ga rena. Tate, ke a dumela, ge O ka e dira gate gape, pele ga batho bošegong bjo, le go ipontšha Wenamong go phela ka go mpho ye kgo lwane go feta Salomo a bilego le yona! Ke mpho ya Moya wo Mokgethwa go Kereke. Gona, banna le basadi ka fa, Tate, ba tla gogelwa go Wena. Ke e gafela yohle go Wena bjale, Tate, ka kanegelo ye nnyane ye ya Beibele, le ka leeto le lennyane la go tsoma letšatši lela la Nofemere godimo kua ka Dithabeng tše Tšhweu. Yohle ke ya Gago bjale, Tate, gomme O tšea godimo go

tloga mo. Ke neela bonna go Wena, le phuthego ye, Leineng la Jesu Kriste. Amene.

<sup>250</sup> Bjale, bagwera ba Bakriste, ge Morena wa rena Jesu a ka bontšha lerato la Gagwe go lena, gore O a le rata, gomme o tla tla magareng ga rena bošegong bjo, gomme o tla netefatša gore O fa, ke Yena. Bjale, yo mongwe le yo mongwe o a tseba, bjalo ka ge re boletše. O tla tseba bjang gore e be e le Jesu? Le a bona? O be o tla tseba seo bjang? Mohlare wo o itšego wo, o be o lebega o ka re e be e le mohlare wa mosikamoro, gomme ge o be o enywa diperekisi, e be e tla ba mohlare wa mohuta mang? E be e tla ba mohlare wa moperekisi. Bophelo ka go wona bo be bo tla enywa diperekisi. Gomme ge o le mo—mo Mokriste, Bophelo bja Jesu Kriste bo ka go wena, gobane ke Moya wo Mokgethwa. Le dumela seo? [Phuthego e re, “Amene.”—Mor.] Gomme ka gona Moya wo Mokgethwa. . .

<sup>251</sup> Ge ke le boditše gore moya wa John Dillinger o be o le ka go nna bošegong bjo, le tla ntetela go ba le dithunya, le ntle mo le go ba mohlakodi boka a bile. Ge ke le boditše moya wa motaki yo mongwe yo mogolo o be o le ka go nna, le tla ntetela go kgona go penta dithaba tše fa feela boka di lebega, gobane moya wa motaki yola o ka go nna. Gomme ge ke le botša gore Moya wa Kriste o ka go nna, O rile, Yenamong, le tla dira mediro ya Kriste. Mokgethwa Johane 14:12 e rile, “Yo a dumelago go Nna, mediro ye Ke e dirago o tla e dira le yena; mediro ye megolwane go feta wo, dira.”

<sup>252</sup> Ke tsopotše seo gatee. Monna o rile, “Nnete, re dira mediro ye megolwane. Re rera Ebangedi go lefase lohle. Ga se A e dira mo letšatšing la Gagwe.”

<sup>253</sup> Ke rile, “E no mpontšha mediro ye A e dirilego, pele, gomme morago re tla bolela ka ye megolwane.” Le a bona?

<sup>254</sup> Diphesente tše masomesenyane tša lefase ga ba tsebe selo ka Jesu Kriste. Dimilione di a hwa ngwaga wo mongwe le wo mongwe, ba ba sego ba ke ba kwa Leina la Gagwe. Bontši. . . Le reretšwe ebangedi gannyane lehono go feta ka fao le kilego la ba. Nnete. Gona bolela ka, “‘Mediro ye megolwane,’ go rera Ebangedi.” Ka kgonthe aowa.

<sup>255</sup> Bjale, go na le dikarata tša thapelo, ke a thanka, di filwe lehono. Ke a thanka ba file dikarata tša thapelo. Gomme. . . [Yo mongwe o re, “Ee.”—Mor.] Go lokile. Billy? Ga a fa? Mohlomongwe o gatetše ntle.

<sup>256</sup> Gabotse, a ba na le dikarata tše di itšego tša thapelo go tšwa maabane? Phagamišetša seatla sa gago godimo, tše dingwe di filwe maabane, o nayo. Gabotse, re tla thoma ka tšona. A re boneng, re thomile kae? Re thoma kae go tloga maabane? Nomoro tee, a e bile? Nomoro tee go fihla e ka ba lesome goba lesometlhano? Go lokile.

257 A re e fetoleng go dikologa, re ye felotsoko gape gona. Re nyaka go hwetša yo mongwe le yo mongwe wa bona. Eupša a re fetoleng, felotsoko gape. A re tšeeng go tloga. . . A re tšeeng lesometlhano la mafelelo la bona, go tloga go masomeseswai tlhano go ya go lekgolo. Ke mang a nago karata ya thapelo masomeseswai tlhano? Phagamišetša seatla sa gago godimo.

258 Letang. Go ka no ba masomeseswai tlhano tše pedi. Tšona di be di le eng tša mathomo? Di A, a e be e se yona? [Banešu ba babedi ba re, "A."—Mor.] A.

259 A, masomeseswai tlhano. E na le A godimo ga karata, le masomeseswai tlhano. A, masomeseswai tlhano. Phagamišetša seatla sa gago godimo. Karata ya thapelo A, masomeseswai tlhano. A ke mohumagadi mo? Go lokile. Etle godimo *mo*. Masomeseswai tshela, phagamišetša seatla sa gago godimo. Masomeseswai šupa.

260 Bjale, ge o sa kgone go emelela, re tla bona. . . Diašara di tla go tliša thwi godimo fa ge nomoro ya gago e bidišwe.

261 Masomeseswai šupa, masomeseswai seswai, masomeseswai senyane. Masomesenyane. A re boneng, bjale, go na le tee, pedi, tharo, nne, tlhano. Masomesenyane, masomesenyane tee, -pedi, -tharo, -nne, -tlhano, go fihla go lekgolo. Lokologanang ka lehlakoreng le godimo *fa*, go fihla go lekgolo.

262 Bjale, ge—ge bohle ba se gona, gomme yo mongwe o na le karata, bjale, e no swara karata ya gago, e no e boloka. Pele le pele, ke leka go le hwetša.

263 Bjale, ge le sa lebeletše ka tsela ye, bjale, šetšang sekgauswi ka kgontha bjale. Ke nyaka le bee šedi ya kgauswi go se ke se bolelago. Karata ya gago ya thapelo ga e na le selo go dira le yona, feela go go bea mothalong godimo mo. Seo ga se re gore o ya go fola. O fodišwa feela, e sego ka karata ya thapelo, eupša ka tumelo. Yeo ke nnete. Ke ba bakae ba kilego ba ba ka dikopanong le go tseba gore go ne ba lesome go tee ba fodile ntle fale ka go batheeletši go feta ba ba fodišitšwego mo, godimo mo sefaleng? Nnete ke yona. Ke tumelo ya gago. Tumelo ya gago. Ye e no ba go dira mothalo wa thapelo o thome, yeo ke phetho, go dira mothalo wa thapelo.

264 Bjale lebelelang. Yo mongwe le yo mongwe o rutilwe motlwae wo. Gomme ke e bolela go banešu. Gomme e lokilego. Ke Lengwalo. Eupša re nyaka go beana diatla seng sa rena. A le hlokometše seo? Eupša seo ga se sa fiwa Bantle. Yeo ga se tsela ye Bantle ba e amogetšego.

265 Bajuda, elelwang, Jairo o rile, "Etle o bee diatla tša Gago godimo ga morwedi wa ka gomme o tla phela." Woo e be e le motlwae wa Bajuda. A yeo ke nnete? "Bea diatla tša Gago godimo ga morwedi wa ka gomme a phela."

266 Eupša Montle o rile, “Ga ke na maswanedi gore O ka tla ka tlase ga tlhaka ya ka. E no bolela Lentšu, yeo ke phetho. Mohlanka wa ka o tla phela.”

267 Gomme Jesu a retologa go dikologa gomme a re, “Nna ga se ka ke ka bona tumelo ya go swana le yeo ka Israele.”

268 O rile, “Ke nna monna ka tlase ga maatlataolo. Ge ke . . .” Gomme o lemogile eng? Gore bolwetši bjo bongwe le bjo bongwe bo be bo le ka tlase ga taolo ya Jesu Kriste. Tšohle A bego a swanetše go di dira e be e le go bolela Lentšu.

269 Gomme O šetše a Le boletše. Le a bona? Gomme seo ke se ke lekago go dira lena batho go se lemoga.

270 Bjale, batho ba bantši ba nagana gore o swanetše go leta go fihla moebangedi tsoko yo mogolo boka, oo, Ngwanešu Osborn . . . Gomme Ngwanešu Osborn ke moebangedi yo mogolo. Ngwanešu, Ngwanešu Oral Roberts, moebangedi yo mongwe yo mogolo. Le—le Ngwanešu Tommy Hicks, le ba bantši ba baebangedi ba bagolo ba ba lego ka nageng lehono, le nagana gore le swanetše go leta go fihla ba etla kgauswi, go ka fodišwa. Seo ga se bjalo, ga go bjalo. Modiša wa lena o na le maatlataolo a go swana ao e ka ba mang wa bona a nago. Ee, mohlomphegi.

271 Ga go na banna ba bagolo magareng ga rena. Ge ba le gona, gona motho yola o ikgaotše yenamong go tšwa Kopanelong. “Bohle re batee ka go Kriste Jesu.” Yeo ke nnete. Re batee. Ga go batho ba bagolo magareng ga rena. Ge o eba yo mogolo, o—o šetše o itlošitše wenamong, kgole go tloga go Modimo. Ga se rena.

272 Gomme—gomme ge modiša wa lena a se gona, selo se nnoši o swanetšego go se dira ke go dumela Lentšu leo o mo kwelego a rera ka Jesu Kriste. Yeo ke phetho. Le a bona? Go ne dilo tše kgolo di dirilwe.

273 Bjale lebelelang. A re naganeng ka mosadi yo monnyane yola re šupilego go yena bošegong bja go feta. Nako ye nngwe Jesu o be a kgabaganya lewatlegolo . . .

274 Ke duma ge nkabe re na le nako, dibeke di se kae mo ka Tucson. Moo, le a bona, selo sa yona ke, go bothata. O tsena ka lefelong, yohle ke ye mpsha go batho, ba no bona se sengwe gatee, ba re, “Nna, seo se mohuta wa go tlabana, eupša ga ke tsebe.” Le a bona? Ga ke mo botelele go lekanela gore re tlwaelane, go e bona.

275 Theetšang. Ke bone masome a diketekete a dipono tšeo Morena Modimo a mphilego. Gomme ke a tseba go na le batho mo ba ba latetšego dikopano, mohlomongwe mafelo a mantši. Ke ba bakae ba kilego ba ba ka dikopanong tše dingwe? A re boneng seatla sa gago. Bjale ke nyaka go le botšiša se sengwe. Ga se nke gwa ke gwa ba lentšu le tee le boletšwego eupša le e lego therešo tlwa. A yeo ke nnete? Ge e le yona, e reng, “Amene.” [Phuthego e re, “Amene.”—Mor.] Ga go yo a ka rego . . . Ge go na

le e ka ba mang a ka rego ba kile ba bona ye nngwe ya tšona dipono e šitwa, o lokologile go ema le go mpošša bjalo. Nka bolela seo go dikologa lefase, dimilione tše lesome tša batho atiša ka dimilione.

276 [Lefelo la go se be le selo godimo ga theipi—Mor.] Bonnyane ba be ba sa tsebe gore Leo e be e le eng.

277 Bjale, batho go tšwa tabarenekeleng, e nong go elelwa. Go na le batho ba bangwe mo ba ba tlogo ka gare. Ke bona ba babedi ba bagwera ba ka mo, Mna. le Mdi. Dauch ba dutše mo, le Mdi. Brown, go tšwa godimo ka Ohio. Selo sela sa Sela go beng godimo fale, le lešata lela leo le tšweletšego ka mokgwa wola, leo le rometšego morago bakeng sa Mahuto a Šupago, le boleletšwepele, nthathana ye nngwe le ye nngwe ya yona, dibeke le dibeke le dibeke pele e etla go phethega. Ke ba bakae ka fa ba lego hlatse ya seo, ba bilego ka dikopanong gomme ba e kwele e bolelwa? Phagamišešang diatla tša lena godimo, le ka moagong. Ke lena bao. Gomme saense e katana ka yona.

278 Boka ge George J. Lacy a hlahlobile leo, ke mmoditše. Ke rile, “Se no swana le Seetša sa mollo. Se tuka fao.”

Gomme ba rile, “Oo, ke saekolotši.”

279 Mna. Lacy o rile, “Ke naganne e be e le saekolotši, le nna, eupša,” o rile, “leihlo la motšhene la khamera ye le ka se tšee saekolotši.” Aowa. Se be e le fao. Ke eng? Le a bona?

280 Bjale šetšang. Ka lešokeng, ge Modimo a etilepele Israele go kgabola lešoka, O etilepele batho go kgabola lešoka ka Kriste. Ke ba bakae ba tsebago seo? [Phuthego e re, “Amene.”—Mor.] Ke ba bakae ba tsebago gore Morongwa wa kgwerano e bego e le Pilara yela ya Mollo, e be e le Jesu Kriste? [“Amene.”] Nnete, e be e le. Nnete. O rile, O ba boditše, kua ka go Mokgethwa Johane 6.

281 Ba rile, “O be a sa lebelelege ka godimo ga bogolo bja mengwaga ye masometlhano; gomme o rile, ‘Pele ga Abraham?’”

282 O rile, “Pele Abraham a eba gona, KE NNA.” O be a le KE NNA yoo a bego a le ka sethokgweng. Gomme O rile, “Nna . . .” O . . .

Ba rile, “Re nwele ka meetseng go tšwa Leswikeng.”

283 Gomme O rile O be a le Leswika lela. Amene. Le a bona, e sego “Ke be ke le.” “KE NNA.” O rile, “Ke tšwa go Modimo, gomme Ke ya go Modimo.”

284 Bjale, Pilara yela ya Mollo ya go swana yeo e bego e le ka lešokeng, le bana ba Israele, e dirilwe nama, Modimo a apere nama magareng ga rena, ka sebopego sa go ba Morwa wa Modimo, yo a apešitšego kgarebe moriti le go Mo tliša, gore Modimo a kgone go ba motho go hwa, go lefa tefo ya molao wa Gagwe Mong. Le a bona? Ke Ebangedi.

285 Gomme ka gona O rile, bjale, “Ke tšwa go Modimo, gomme Ke ya go Modimo.”

286 Gomme ka pela ka morago ga lehu la Gagwe, poloko, le tsogo, go be go le Mojuda yo monnyane yo a bego a ne sebefedi sa godimo le go leka go bea yo mongwe le yo mongwe ka kgolegong. Gomme o be a le tseleng ya gagwe go theogela Damaseko, ka ditaelo go tšwa go moprista yo mogolo, go golega yo mongwe le yo mongwe. Gomme thwi e ka ba ka nako ya sekgalela, o ile a rathelwa fase tseleng. Gomme ge a dirile, o lebeletše godimo, gomme go be go le Seetša se segolo seo se timilego mahlo a gagwe. Ke ba bakae ba tsebago seo? [Phuthego e re, “Amene.”—Mor.] Pilara ya Mollo ya go swana. Le a bona?

287 Gomme o rile, “Morena!” Go beng Mojuda, o tsebile yeo e be e le Pilara ya Mollo ya go swana ye e bego e le ka lešokeng. O rile, “Morena, Wena o Mang?”

288 O rile, “Saulo, Saulo, o Ntlhomaretšeng? Go thata go wena go raga kgahlanong le diotledi.”

O rile, “Morena, Wena o Mang?”

289 Bjale, ema. Pilara ya Mollo ya go swana, O rile, “Ke nna Jesu.” Uh-huh. A yeo ke nnete? [Phuthego e re, “Amene.”—Mor.]

290 Le elelwa bošego bjo bongwe ge Petro a be a le ka kgolegong? Selo sa go swana se tšile ka kgolegong, se butše mabati pele ga gagwe, gomme sa mo ntšhetša ntle.

291 Ke eng? Jesu Kriste, wa go swana maabane, lehono, le go ya go ile. Bjale, ge seo se be se se, ge seo e be e le se sengwe gape, se be se tla dira mohuta wo mongwe wa mošomo. Eupša ge woo e le Moya wo Mokgethwa wa go swana wo o bego o le ka lešokeng le Israele, gomme gape o be o le ka go Jesu Kriste, O ka Kerekeng bjale. O dira mediro ya go swana gobane Ke Seetša sa go swana. Le a bona? Ke Moya wa go swana. Ge o ka no dumela woo, mogwera! E sego nna; Yena! Le a bona? Yena ke Moprista yo Mogolo.

292 Mosadi yo monnyane, letšatši le lengwe, o dumetše gore O be a le Morwa wa Modimo. O bile le taba ya madi. Gomme o rile ka pelong ya gagwe, “Ge nka no kgona go kgwatha diaparo tša Gagwe!”

293 Ke nagana o hweditše seo go tšwa, nnete, go Eliya, le “go tšea lepara.” Gomme fao ke mo ke naganago Paulo o hweditše, “go bea disakatuku,” le go ya pele, e bile se yo mongwe gape a se dirilego.

294 Gomme o rile, “Ge nka no kgwatha kobo ya Gagwe, ke a dumela ke tla thakgafatšwa.” Gomme o pinyeditše go kgabola lešaba go fihla a kgwathile seaparo sa Gagwe. Bjale, seaparo sa Mapalestina se lekelela ka tokologo, gomme se be se na le seaparo sa ka fase. Gomme ka fao o ile a tloga gomme a dula fase.



295 Nameng, O be a ka se kgone go e kwa, le a bona, gobane seaparo ke kobo ye e lekeletšego e lokologile. Eupša, O eme.

296 Gomme yo mongwe le yo mongwe o be a na le matsogo a bona go Mo dikologa, “Halo, Rabi! Moprofeta wa Israele, re thakgetše go ba le Wena godimo fa le rena,” le go ya pele.

Jesu o eme, o rile, “Ema motsotso. Ke mang a Nkgwathilego?”

297 “Gobaneng,” Petro o rile, “Morena!” O Mo kgadile. Ka mantšu a mangwe, o boletše se sengwe boka, “Morena, o se bolele selo boka seo. Batho ba tla be ba makala ka Wena. Ke mang ‘a kgwathilego’ Wena? Yo mongwe le yo mongwe o na le matsogo a bona go Go dikologa. Yo mongwe le yo mongwe o a Go phaphatha. O se ke wa re, ‘Ke mang yo a Nkgwathilego?’”

298 O rile, “Eupša wo ke mohuta wa go fapana wa kgwatho. O a bona? Ke a bona gore bokwala bo tlogile go Nna.”

299 O lebeletše ntle godimo ga batheeletši. Gomme mosadi yo monnyane a ka no ba a be a eme. A ka no ba a dutše. Goba, e ka ba kae a bego a le, go be go le se sengwe seo se diregilego. Gomme O mmone. O be a sa kgone go iphihla yenamong. Le a bona? O be a kgwathile Modimo, ka Monna yola. Bokwala, maatla, a be a tlogile go Yena. O mmoditše ka ga madi a gagwe, taba ya madi, gomme a eme.

300 Bjale, Jesu yola wa go swana ke Mopriska yo Mogolo wa go swana lehono. Beibele e boletše bjalo. A yeo ke nnete, banešu badiredi? [Badiredi ba re, “Amene.”—Mor.] Le a bona? Gore, “Yena bjale ke Mopriska yo Mogolo, o dutše ka seatleng se setona sa Modimo, Tate. O dutše fale, o phela ka mehla go dira dipoelano, Mopriska yo Mogolo yoo a kgonago go kgwathwa ke maikutlo a mabofokodi a rena.”

301 Bjale, ga o na le karata ya thapelo. O ka se be godimo mo ka mothalong. Eupša ge o nyaka go tseba ge eba ke therešo goba aowa, o no re go Modimo bošegong bjo, “Tate wa Legodimong, ke a babja. Ke swanetše go ba le thušo. Gomme ke—ke šomiša tumelo yohle ke nago le yona. Ke a tseba ga se monna yola a emego fale. Yola o no ba monna boka ke le, goba monnamogatša wa ka, goba ngwanešu wa ka. Le a bona? Eupša ke a dumela monna o boletše Therešo, gobane ke Lengwalo. Gomme ke a dumela gore O Mopriska yo Mogolo bjale. Selo, a nke ke Go kgwathe, Morena, gomme O be wa go swana maabane. Wena. . . Ngwanešu yola ga a ntsebe. Eupša O retologa go dikologa le go šomiša dipounama tša gagwe, le go bolela le nna le go bolela boka O dirile go mosadi.”

302 Ke a go hlohla, ka Leina la Jesu Kriste, go ba le mohuta woo wa tumelo, gomme šetša se se diregago. Bona ge e ba ke therešo goba aowa. Ke therešo. O no e dumela. Gomme ge o ka kgonago go dira seo, go lokile, Modimo o tla go šegofatša.

303 Bjale, a go na le yo mongwe mo yo a sego a ke a ba ka go e tee ya dikopano pele? Emišetša seatla sa gago godimo. Nna! Oo! Re thakgetše go ba le lena fa bošegong bjo. Modimo a le šegofatše. Feela kopano ye nnyane, nako ya kopanelo. Gomme go no kitimela ka mo, ka letšhogo, lebaka la mašego a mabedi goba a mararo, le go tloga. Mohlomongwe nako ye nngwe, Modimo ge a rata, badiredi ba rata, re ka kgona go tla morago mo nako ye nngwe, ra ba le kopano ye botse, moo re dulago dibeke tše pedi goba tše tharo.

304 Gomme batho ba go babja, nako ye nngwe, ba tla ba le se—se sehloga, boka, ka go bona. Ebile ga ba tsebe se sehloga se lego. Bjale, ke bophelo, boka go phera, goba e ka ba eng se lego. Ke bophelo. Ke bophelo bjo bo sa . . .

305 E re, seatleng sa ka, ga go kankere fao bjale. Mohlomongwe go tla ba, letšatši le lengwe. Ka mehla, kankere, e tšwa . . . Ke sele ya lebelele.

306 Gomme boka ba bangwe ba lena dikgaetšedi le eya go kgabola nako ya menophose, gomme ba le fa tlhabelo ye ya homone. O se ke wa e dira. O no tshepa Modimo. Homone ke sele ya lebelele, gomme o no bea kankere thwi ka go wena. Le a bona? Ga ke . . . Ngaka, o se nagane ke leka go tšea lefelo la gago fa. Eupša ke šetše ke kopane le bontši kudu bja yona ka mothalong wa thapelo. Le a bona? Kafao, selo go dira, o no bea tumelo ya gago ka go Modimo. Gomme ya gago ye botse ka kgonthe, ngaka ya go botega, ngaka ya gago gae, o tla go botša yeo ke therešo. O no ba le tumelo ka go Modimo le go Mo tshepa. O tla go tšea go kgabola meriti. Ka mehla O fao go go thuša. Yeo ke nnete.

307 Hlokomelang. Re hwetša, go ka reng ge sehloga sela, se thoma go gola? Ke eng? Ke go ata ga disele, sele e tee e pakelana godimo ga ye nngwe.

308 Seo ke se o lego sona, le wena, go ata ga disele. Gabotse, o tseba mo o tšwago. Lenyalo le lekgethwa magareng ga tate le mme, sele e tee ye nnyane ya nthathana. Ge ke be ke eya go phušula mmele wa gago, bošegong bjo, ka o tšea sele ka sele, o tla tla fase go bophelo bjo bonnyane bjola. Ka gare ga bophelo bjoo, nnete, go na le khemisitiri ya madi, gomme ka gare ga madi go bophelo, gomme bophelo bjoo ke wena. Bjale, e thoma go atiša disele.

309 Gomme kafao, se sengwe le se sengwe sa mohuta wa sona, nonyana ka morago ga nonyana, mpša ka morago ga mpša, motho ka morago ga motho. Gomme e dira . . .

310 Eupša, le a bona, diabololo ga a na sebopego. Kankere, e bitšwa kankere, go tla lentšu “tšenkerepe,” le rago “maoto a phatlaletše ntle,” go ya go mona. E gogela madi a gago ka ntle ga gago. Ke bophelo bjo bongwe. Ke bophelo bo phela ka go wena. Kafao, go na le bophelo bja motho. Gomme go na le bophelo bjo bongwe; gomme bjoo ke bjo ke bolelago le bjona, ke bophelo bjoo. Bjale ge

ba re, bjale, le a bo bitša, ngaka o a bo bitša, “kankere,” gomme ba bangwe ba bona ba bo bitša khataraka, gomme ba bangwe ba lena ba bo bitša dilo tša go fapana, mareo a dihlare. Eupša, Jesu o bo biditye “diabolo,” gomme seo ke se bo lego sona. *Diabolo* go ra “motlaiši,” gomme o fao go tšea bophelo bja gago.

<sup>311</sup> Bjale, dinako tše dingwe, ngaka a ka kgona go sega go dikologa le go e ntšhetša ntle yohle. Seo se a makatša. Eupša go ka reng ge e na le go swara mo go bjalo, e ka se kgone? Bjale, ga re mekamekane le sekutu, sonamong. Re mekamekana le bophelo bjo o bo lego ka go sekutu sela, bjale, ge o re, “Sathane, tšwela ntle.”

<sup>312</sup> Gomme nka kgona go e netefatša go lena. A nke motho a bee diatla tša bona godimo ga seatla sa ka, le go le netefatša, go bontšhe di—di dikhuetsō e go tšeago. Le e bone e dirwa, bontši bja lena. A yeo ke nnete? [Phuthego e re, “Amene.”—Mor.]

<sup>313</sup> Hlokomelang bjale. Ge bophelo bjola bo eya ka ntle ga fao, go direga eng? O ya morago letšatši le le latelago, bo a hunyela. Eng kapa eng e a tseba, ge eng kapa eng e ehwa, e a hunyela. O bolaya tshepe, morago wa e kala le go botša baena ka fao e imelago, le go e lahlela godimo ga dikala mosong, e ya go ba diponto bohwefo. Ge motho a ehwa, yo a nago le meno a maitirelo, ba a ntšhetša ntle; leihlo la maitirelo. Gobane, ba tla . . . bona, ba a hunyela. A tla tšwela ntle.

<sup>314</sup> Gabotse, gona, morago ga ge e robetše fale botelele bjalo, boka phoofolo ye nnyane, mpša, e thutšwe mokgotheng, e robetše ka letšatšing, e thoma go kokomoga, morago e ba ye kgolwane go feta e bile lefelong la pele. Molwetši nako yeo o tla thoma go babja ka morago ga diiri tše masomešupa pedi, ge go bola go tsena ka gare. Ba tla thoma go re, “Oo, ke yo mobemobe go feta ka mo ke bego ke le. Ke lahlegetšwe ke phodišo ya ka.”

<sup>315</sup> “Gomme ge moya wa ditšhila o tšwele mothong, o sepela mafelong a go omelela, o bowa morago gape.” Le a bona? Gomme ge ka kgonthe o sa dumele, ga go kgathale ke bontši gakaakang bo tlošitšwego go wena, ge o sa tsebe mkgwa wa go e amogela le go e dumela! Ge o bowa morago, o sa tseba bo sepetše; gomme ge o bo amogela, gona ga go selo eupša lehu. Eupša molato ke eng? O bea . . .

Go ka reng ge o be o na le noga ka go wena, e ka ba botelele bjo o? O be o tla hwa.

<sup>316</sup> Gabotse, ke eng? Pelo ya gago e rethetha le go hlwekiša moela wa madi. Gomme seo ke se se hlolago letadi, ke tshwaetšo. Gomme ka gona ge sehloga seo, se robetše ka mmeleng wa motho, gomme se hwile, gomme tshwaetšo e tsena ka gare, goba se thoma go kokomoga, gomme pelo e swanetše go itielana seo ntle, go hlwekiša madi. Gobaneng, ka nnete, o befabefi.

317 Eupša batho, fao, ba ba se nago tumelo, ba no kitimela ka gare, gomme gabotse ba hwetša kimollo. Ke bona batho . . .

318 Bošego bjo bongwe, monna ka khataraka godimo ga mahlo a gagwe, a kitimela tlase gomme a raloka piano, gomme a kgona go bona. O tlile godimo le go tšea Beibele ye ya go swana le go bala go tšwa go yona. Gomme e ka ba mašego a mane moragwana, ebile ga se a kgone go bona seatla sa gagwe pele ga gagwe. O tlile morago, a re, “Ke lahlegetšwe ke phodišo ya ka.” E be e no ba selo se sebotse go ba fao. O tlile.

319 Ke rile, “Ngwanešu, yeo ke phošo. O—o, o dirile . . . Ga o dumele.”

O rile, “Gabotse, Ngwanešu Branham, ke fodile. Eupša . . .”

320 Ke rile, “Aowa, ke khataraka e kokomoga, mohlomphegi. E no tšwelapele o dumela. O se belaele. Ge o dira, e tla tla morago. O no tšwelapele o dumela. O rile o dumetše. Gona, o tšeela morago go se o se boletšego. O se e bolele ntle le ge o e dumela.” Ke mo hlohleditše le go mmotša. Ke dutše fale, ke bile fale lebaka la dibeke tše pedi. Mo bofelong bja dibeke tše pedi, o kgonne go bala Beibele gabotse bjalo ka ge e ka ba mang gape a ka kgona. Le a bona?

321 Bjale, ge a be a se na le ditaelo tša seo a ka se dirago, gomme seo ke se o se hwetšago, go kitimela ka gare ka mkgwa wo. Gomme selo sa pele le a tseba, gona yohle e wela morago go modiša, gomme ba re, “Gabotse, ba be ba se.” Le a bona, ke ka baka la gore phuthego ga se ya hlahliwa. Ga ba kwešiše mkgwa wa go dira, se ba swanetšego go se dira. Gomme ga ba ne, gohlegohle, tumelo. Ba ne kholofelo ye ntši.

322 Eupša, bjale, se ke lekago go se dira, ga se go lena go re, “Le a tseba ke eng? Ngwanešu Branham o beile diatla go nna, gomme, ngwanešu, ke fodile.” Ebile ga ke nyake go le kgwatha. Ke nyaka o Mo kgwathe. Le a bona? Ga ke na le selo go dira le yona.

323 Eupša ka go mpho ye Modimo a mphilego yona, ge nka kgona go bonagatša Kriste, go Mo laetša le go Mo tliša go kgonthe mo pele ga lena, Lentšu ka Bolona le dirilwe nama magareng ga rena, le go bontšha gore ke Modimo, gona o no Mo kgwatha le go bona se se diregago. Le bona se ke se rago, bagwera?

324 Ga o nyake se sengwe se segolo. Ge o dira, o ka se kgone go ya mafelong a mannyane. Ke be ke le tšhemong, mengwaga ya go feta. Ga se ka tsoge ka dumelela dikopano tša ka go golela lefelong. Ga ke na le dithelebišene tše di itšego. Ga ke ne e ka ba eng e rekišago. Ga—ga ke ne selo, feela Kriste. Gomme ke . . . Ge tše dingwe . . . ke ya go wona mafelo a mannyane nthathana moo ba bangwe ba banešu ba ba nago mananeo a magolo a ga se ba kgone go ya go wona, gobane ba swanetše go ba le diketekete tša ditolarana letšatši le lengwe le le lengwe, go boloka lenaneo la bona. Ga ka swanela go ba le selo, feela bontši bja Modimo. Le

a bona? Gomme nka kgona go ya kae kapa kae A nthomago. Le a bona? Gomme fao ke mo nka yago.

325 Ke rerile tsošetšišo mo e sego telele go fetile, ka kerekeng ye e swerego masomapedi. Go be go šokiša, eupša re e swere, go le bjalo, gobane Morena o mpoditše go ya kua. Le a bona? Gomme ka gona ke a ya le go rerela lešaba la dikete tše makgolotlhano. Yo mongwe o e thekga ka mašeleng le go ntšeela mošola. Ga ke tshwenyega ka selo. Ke no tshwenyega ka go beng gabotse, pele ga Gagwe. Le a bona? O nthomela kae kapa kae A nyakago go nthoma.

326 Bjale, bošegong bjo, bokgole bjo ke tsebago, ka mothalong wo, batho ke basetsebje go nna.

327 Ke ba bakae ba lego ntle fale, ba sa tsebje go nna? Phagamiša sa gago. . . O a tseba ga ke tsebe selo ka wena, phagamišetša seatla sa gago godimo, o—o hloka Kriste. Go lokile. Le no dumela bjale. Ke nagana e be e le diphesente tše lekgolo.

328 Bjale, ge mothalo wo wa thapelo o eya godimo mo, o thoma go rapela tlase kua, bakeng sa Modimo go dira. Gomme ge A ka dira seo, le tla dumela, a le tla dira? E reng “Amene.” [Phuthego e re, “Amene.”—Mor.]

329 Bjale, ke ba bakae ba tsebago gore yeo ke tlwa tsela ye A itsebagaditšego Yenamong bjalo ka Mesia wa Modimo? Ke ba bakae ba tsebago seo, go tšwa go yona? [Phuthego e re, “Amene.”—Mor.] Le a bona? Ke tlwa. Ke tlwa. Gomme O a swana maabane, lehono, le go ya go ile. “Ga Ke dire selo go fihla Ke bona, se Ke bonago Tate a se dira.”

330 Ke nyaka go tšeela moya wo mongwe le wo mongwe ka mo ka tlase ga taolo ya ka, Leineng la Jesu Kriste, bakeng sa letago la Modimo.

331 Boloka madulo a gago. Dula o iketle. O se ke wa sepela go dikologa. Ge o sepela, le a bona, yo mongwe le yo mongwe ke moya. Le tseba seo? Ge o ka se ke, o tla be o hwile. Le a bona? Gomme—gomme gosodumele ga gago. . . Gomme ke re, “Inamiša hlogo ya gago,” e dire. Ke re, ge O go bitša go tsoga, tsoga. Gomme eng kapa eng O rego dira, o dira feela se O lego sona. Ka baka la gore, Ga se nna. Ke Yena.

Bjale thoma mothalo wa gago wa thapelo, e ka ba kae go lego.

332 Tate wa Legodimong, e ka se be botelele go fihla nako e eya go fela. Go emeng ka morago ga ka fa bošegong bjo ke badiši, badiredi, bao ba boleletšegopele le go tleleima gore iri e tla tla ge se se tla dirwa. Bomahlwadibona ba kgale, mengwaga ye mentši ya go feta, ba eme khoneng, ka katara ka seatleng sa bona, ba tleleima gore go be go tla tla letšatši. Gomme šeba ba bangwe ba bona fa bošegong bjo, gomme barwa ba bona ba fa. Tate, ba nno kgora tsela go e dira ya nnete. Bjale a nke re e amogele, Morena. E fe. Gomme a nke, mmogo, re kopanela go dikologa mpho ye

kgolo ye yeo Modimo a e rometšego go rena, Jesu Kriste. E fe, Tate.

<sup>333</sup> Bjale, Morena, Wena o a tseba gore ga ke tsebe yo mongwe wa batho ba. Ga ke tsebe selo ka bona. Wena o ba tseba bohle. Gomme ke leka go dira batho go bona, Morena, gore ga se banna ba bagolo, kereke ye kgolo. Ke Modimo yo mogolo, le Jesu Kriste. Ke a rapela gore O tla Mo dira a tsebje bošegong bjo go rena, ka boikokobetšo.

<sup>334</sup> Bjale ke hlohlike batheeletši, Morena, go lebelela go Wena. Gomme a nke ba bangwe ba bona ntle kua, Morena, yo mongwe, ke a rapela gore O tla dumelela Moya wo Mokgethwa go puruputša tumelo tsoko kua bošegong bjo, seo se tla dirago batheeletši go ba mafolofolo, go bona gore go ne se sengwe se kgatlampanago. Gomme a nke ba kwešiše, gomme yo mongwe le yo mongwe a fodišwe. A nke go se be le motho wa go babja magareng ga rena, bošegong bjo, ge tirelo e tswaletšwe. A nke motho yo mongwe le yo mongwe a sego a phološwa, ge ba ikwela le go tseba gore ba ka Bogoneng bja yena Modimo yo a tla ba ahlolago Letšatši le lengwe. Re e gafela yohle go Wena bjale. Gomme ke ikgafela nnamong go Wena. Ntšhomiše, Morena, ge O bona go swanetše, Leineng la Jesu Kriste. Amene.

<sup>335</sup> Bjale, ke—ke le kgopela go homola ka kgonthe le go ba ka thapelong. Bjale, e no eleletša. . . Bjale, ge e ka ba mang a sa nagane gore se se tšwa go Modimo, gona, Leineng la Jesu Kriste, ke a go hlohla go tla mo le go dira selo sa go swana. Gomme ka gona, ge o sa kgone, o se ke wa bolela selo ka sona. Se puruputše ka Mangwalong, le a bona. Le a bona?

<sup>336</sup> Bjale, bokgole bjo ke tsebago, ka Beibele ya Modimo mo pele ga ka, le sehlopha se sa banna ba ba dutšego mo, ba ntebeletšego, le ka bogoneng bja batho ba, mosadi yo ke mosetsebje go nna. Ga ke mo tsebe. O no ba mosadi a eme fale. Ga ke tsebe selo ka yena.

<sup>337</sup> Ge a babja, gomme ke—gomme ke bile le tsela e ka ba efe go mo fodiša, ka kgonthe ke be ke tla e dira. O dumela seo, a ga o? Ke be ke tla e dira ge nkabe ke kgona. Eupša, nka se kgone. Ga go yo mongwe gape a ka kgonago.

<sup>338</sup> Phodišo e tšwa go Modimo, gomme O šetše a e dirile. Eupša ge—ge Modimo a be a ka kgona go dira se sengwe, go go dira o kwešiše gore O sa le mo, gomme O mo go boloka tshepišo ya Gagwe. Ge A boloka tshepišo ye, gona O tla boloka, O boloka tshepišo ya phodišo, ka nnete. Le a bona?

<sup>339</sup> Gomme ka gona ge—ge Jesu a be a eme mo bošegong bjo, ka sutu ye yeo A mphilego yona, gomme o be o sepeletše godimo go Yena gomme wa re, “Nna, Morena, ke a babja. Ke nyaka O mphodiše.”

<sup>340</sup> Ke a dumela e be e tla ba se sengwe boka se. O be a tla re, “Ngwana, a ga o dumele Mangwalo a makgethwa? Ke hwetše

morero woo. Ke rekile phodišo ya gago kua Khalibari, ge Ke go tlaišegetše.”

“Eupša a ke tseba Yo O lego Yena? A O Morena wa ka?”

<sup>341</sup> “Gabotse, Ke dirile eng ge Ke be ke le mo lefaseng, pele, go itira Nnamong go tsebja go batho, go bobedi Bajuda le Basamaria?”

<sup>342</sup> Ga go nako e tee moo mohlolo o dirilwego pele ga Bantle, gobane Bantle ba be ba se ba o lebelela. Bjale ke letšatši la Bantle, ge ba hwetša ya bona bjale. Gomme le ke letšatši, leo A rilego, “Lentšu kgahlanong le Moya wo Mokgethwa, o bitšwa moya wo mobe, le ka se tsoge le lebaletšwe batho.”

<sup>343</sup> Bjale, mosadi, bobedi bja rena fa pele ga Modimo, le ka tlase ga Beibele, rena ka go felela, le a bona, ga re tsebane seng, ga se ra tsoge ra bonana seng. Gomme ga ke tsebe, ga ke ne kgopolo e tee, se a se emetšego fale. Ga se ka ke ka mmona ka bophelong bja ka, gomme ye ke Beibele ka diatleng tša ka. Gomme bjalo ka modiredi, ke botse bofe e tla ntirago go bolela seo, ge e be e le phošo, go ikahlola nnamong?

<sup>344</sup> Ga ka swanela go ba mo ke dira se. Ke a tla gobane ke ikwela gore ke ka go thato ya Modimo. Ke tlile ka baka la gore ke a tseba gore Letšatši la Kahlolo le tla ratha Tucson letšatši le lengwe. Gomme Modimo o leka go fihliša Molaetša go lena, gomme ke swanetše go ba hlatse ya Gagwe. Ga go selo go nna, ke nna yo monyennyane magareng ga lena. Ke no ba ngwanabolena. Ke Jesu Kriste, eupša O swanetše go ba le yo mongwe go šoma ka yena. O dira kgetho yeo, Yenamong. O kgethetšepele seo go ba.

<sup>345</sup> Bjale, ge Moya wo Mokgethwa o ka mpotša se mosadi yola a lego sona, goba se a se dirilego, goba se se lego, se sengwe ka yena, o a tseba, o tla tseba ge eba ke therešo goba aowa. A o ka se ke? Nnete. O tla tseba ge eba ke therešo. Gomme ge e se therešo, gona ga se Modimo. Eupša ge e le therešo, gona ke Modimo.

<sup>346</sup> Ke ba bakae ba lena ba tla dumelago bjale ka pelo ya lena yohle le go e amogela? [Phuthego e re, “Amene.”—Mor.]

<sup>347</sup> Bjale ke rena ba, ka tlase ga keno, ka tlase ga Beibele, pele ga dihlatse tša Gagwe, pele ga dihlatse fa. Gomme Beibele e robetše mo, ye e tshepišitšego gore dilo di dirilwego feela pele Sodoma e tšhungwa di tla dirwa pele ga Bantle, pele. . . ba senywa. Pitšo ya mafelelo go peu ya Abraham, peu ya bogoš!

<sup>348</sup> Bjale, mang kapa mang o a tseba, mosadi o eme ka mahlo a gagwe a tswaletšwe, o no bušetšša Lentšu, la thapelo. Ke Mokriste, gobane, ge la mathomo a etla godimo.

<sup>349</sup> Le a hwetša, gatee ka lebakana, moekiši o thedimogela kgauswi, gomme o leka go dira bjalo ka Mokriste. Ke ba bakae ba kilego ba bona seo se dirwa? [Phuthego e re, “Amene.”—Mor.] Le bona se se diregago go bona le bona. E ka ba gore ba wela thwi fale, goba go golofala. Ba ba rwalela ntle, gomme yeo ke yona.

Ga re bapale kereke. Le elelwa Phoenix, mengwaga e se mekae ya go feta, ka yeo.

<sup>350</sup> Bjale, mohumagadi, ka kgonthe, o imetšwe ka se sengwe. Bjale, ge le ka kgona go bona, gare ga gagwe le nna, go na le Seetša. O thoma go timelela. Eupša go bonala o ka re moya wa gagwe o tshwenyegile. O na le mathata a semoya ao a tshwenyegago ka wona. Yeo ke therešo. Ge yeo e le therešo, phagamiša seatla sa gago.

<sup>351</sup> Go fapana, nako le nako, ke ikwela seo se tla ka gare, “O bala monagano wa mosadi yola.” Ga se nna. Ke tla hwetša seo bjo bongwe bja mašego a, gomme ke tla se biletša ntle, le nna.

<sup>352</sup> Motsotso feela, re tla bona ge eba re a dira, ra bona ge eba re thanka go se. Ga ke tsebe se e se boletšego, pele. Go be go le se sengwe. Go be go bonala o ka re e be e le bothata goba se sengwe. Oo, šebo bjona. Ke a bona bjale. Ke bothata bja semoya.

<sup>353</sup> Selo se sengwe, o na le ditlhaselo tša go babja. O na le bothata bja sabohloko sa motlapa. Yeo ke nnete. A ke nnete? Uh-huh. [Kgaetšedi o re, “Go tla ka magato.”—Mor.] Ee, mohlomphegi. Mohuta wa monna wa go tia. Hlokomela, selo se sengwe, o imetšwe ka yo mongwe. Bao ke bana ba bangwe. Ke bana ba gago, phološo ya bona. Yeo ke therešo. Ke ka yo mongwe, le yena, yo a lego mo. Ke kgona go e kwa. Ke monnamogatša wa gago, gomme ke phološo ya gagwe. [“Yeo ke nnete.”] Yeo ke nnete. O dutše a le gona bjale. [“Yeo ke nnete.”] Hmm!

<sup>354</sup> Ga o tšwe fa. Ke go bona o sepela felotsoko moo go lego dithaba tše tala tša godimo le meetse a mantši. [Kgaetšedi o re, “Jesu!”—Mor.] Ke—ke kgole go tloga fa. Ke leboa go tloga fa. O tšwa nageng ya Oregon. [“Yeo ke nnete.”] Yeo ke nnete. O tšwa felotsoko kgauswi le Grants Pass, goba felotsoko tikologong ka kua moo tšona dithaba di lego. Leina la gago la pele ke Lena. [“Yeo ke nnete.”] Leina la gago la mafelelo ke Stovell. [“Yeo ke nnete.”] Yeo ke nnete. Jesu Kriste o hlompha kgopelo ya gago bošegong bjo. Eya gae. Monnamogatša wa gago o phološitšwe; bana ba gago, le bona; gomme o amogela phodišo ya gago. A go šegofatšwe Leina la Morena Jesu Kriste!

<sup>355</sup> E ka ba eng e bilego, ga ke tsebe. E tla swanela feela go ba go theipi. Eupša ke a tseba e bile mosadi yo a bilego le tumelo, yo a dumetšego.

<sup>356</sup> Le a Mo dumela bjale? [Phuthego e re, “Amene.”—Mor.] A O a swana maabane, lehono, le go ya go ile? [“Amene.”] Le a tseba woo e swanetše go ba Moya. Bjale go ya le gore o nagana gore E be e le eng.

<sup>357</sup> Go bjang, mohumagadi? [Kgaetšedi o re, “Gabotse.”—Mor.] Bjale, re basetsebane seng sa rena. Ga—ga ke go tsebe. Gomme o yo moswa kudu go feta ka mo ke lego. Eupša a o a dumela Jesu a ka mpotša se bothata bja gago e lego, goba se sengwe ka wena? A go tla go fa tumelo go dumela? A o ntumela go ba mohlanka wa



Gagwe? O a tseba ke be nka se tsebe. Go be go ka se kgonagale go nna go tseba. E swanetše go ba go tšwa go Yena, Moya. Gomme o a lemoga mo nakong ye gore go ne se sengwe se kгатlampanago. Ke Bogona bja Gagwe.

<sup>358</sup> Ga se o eme tlwa bakeng sa gagomong. O ne bothata bjo bontši. O na le a semoya, mathata a mantši a semoya ao o makalago ka wona. [Kgaetšedi o re, “Ee.”—Mor.] Gore o tla. . . O ya go hwetša karabo go wona. Gomme go no go dira o tsebe gore ke tseba se ke bolelago ka sona, a mangwe a bjona ke ka se sengwe se kгатlampanago ka kerekeng ya gago. [“Yeo ke nnete.”] Uh-huh. Yeo ke nnete. Yeo ke nnete. Yeo ke nnete. Ke kwano ya kgwebo. E kгатlampana ka kerekeng ya gago, yeo o naganago ga e ye pele gabotse. Seo ke O RIALO MORENA. Yeo ke therešo.

<sup>359</sup> Gomme selo se sengwe, ke bona motho a tšwelela, yo a nyakilego go hwa. Ke taba ya kankere. O rapediša kankere, yo mongwe ka nageng ya gago. Gomme gape o tšwa Oregon, gobane ke naga ya go swana mohumagadi a bilego fa pele. Yeo ke nnete. O amogela se o se kgopetšego. [Kgaetšedi o re, “Ke a Go leboga, Morena.”—Mor.] Boela gae. Tumelo ya gago e go fa yona.

<sup>360</sup> Ga se ka tsoge ka kgwatha mosadi. Eupša Modimo o dirile, bakeng sa gagwe. O no dumela.

<sup>361</sup> Go bjang, mohumagadi. Re basetsebane seng sa rena. Morena Jesu o a re tseba bobedi.

<sup>362</sup> Bjale, feela nakwana. Se sengwe se diregile ka go batheeletši. Ebang tlhomphekolo ka kgonthe. Go bile le monna a tšweletšego, pele ga mosadi fa, yo mongwe ka tumelo. E no tšwelapele o rapela, e ka ba mang a bilego. Ke e fošitše. E no tšwelapele o rapela.

<sup>363</sup> Gape, le a bona, go bolela le wena. Yo mongwe le yo mongwe o na le moya. Le a bona? Gomme batho ba thoma go dumela, le a bona. Gomme e a e dira, le a bona, tumelo ya yo mongwe le yo mongwe e gogela tsela ye nngwe le ye nngwe, le a bona. Ke ka baka leo ke swanetšego go hwetša yo mongwe mo feela pele ga ka.

<sup>364</sup> Ebile go ne badiredi ba dutše fa, bao ba babjago, bao ba rapelago gonabjale. Le a bona? Gomme yeo ke. . . Le a bona?

<sup>365</sup> Gomme ke go biditye, wena ka karata ya thapelo. Ga ke go tsebe, eupša Modimo o a go tseba. Gona ge Morena Jesu a ka mpotša se sengwe ka bophelong bja gago se o se dirilego, o bego o swanetše go be o se dirile, goba se sengwe seo se fošagetšego ka wena, ge o babja, e ka no ba bothata bja selapa, goba e ka no ba bothata bja mašelang. Ga ke tsebe ke eng. Eupša e ka ba eng e lego, o tla tseba ge eba ke therešo goba aowa, ge A e bolela. A o tla—a o tla dumela, le go dumela gore—gore bjale o ka Bogoneng bja Gagwe? E sego bogona bja ka, goba banna ba, ba lego gona, seo ga se sa go dira o ikwele ka tsela ye o ikwago bjale. Ke Bogona bja Gagwe.

366 Go ne monna o tšwelapele a eme hleng le mosadi yo. Ke monna wa go bopega boima. Ke se sengwe. Ke a e bona. O mogwera go monna yo ke mo tsebago, Paul Cain, modiredi. O a mo tseba. Yeo ke nnete, gobane yena šole. Ke . . . Yeo ke nnete. O go rapeletše, monna yo. Gomme bothata bja gago, o na le go phatloga, gomme go phatloga go ka go letswalo. Yeo ke nnete. Gomme go hlotše ditlhakahlakano le mehuta yohle ya bolwetši. Ga o tšwe fa. O tšwa . . . O bodikela bja mo. O tšwa California. A o dumela Jesu Kriste? [Kgaetšedi o re, “Ee, mohlomphegi.”—Mor.] A o tla Mo amogela? Mohumagatšana Moss, o nyaka go ya morago gae le go fola? Boela gomme o e dumele. Eba le tumelo ka go Modimo bjale. Se belaele, gomme e tla tlišwa go phethega.

367 A le dumela go Morena Jesu? [Phuthego e re, “Amene.”—Mor.]

368 Go bjang? Re basetsebane, yo motee go yo mongwe, nagana. Morena Jesu o re tseba bobedi bja rena. Ga ke go tsebe, eupša Morena Jesu o a go tseba.

369 Ke—Ke Seetša, gomme Se no tšwelapele se tlogela sefala. Lena bohle le tšwelangpele le dumela ka mokgwa woo. E no ya pele, e no tšwelapele dumela. O a bona? Tšwelapele o rapela. Nnete.

370 O tlaišega ka sehloga. A o a dumela gore Morena Jesu a ka mpotša moo sehloga se lego? Se godimo ga letswale la gago la go ja, leswafo. Yeo ke nnete. Ga o tšwe mo. Go bile yo mongwe a go rometšego mo. E re, o bile ka mothalong wa thapelo pele. Seo se be se le ka . . . O tšwa Chicago. Gomme o fodišitšwe gatee ka kopanong, yeo e boditšwego wena, ka go ba bothata ka lehlakoreng la gago, goba leoto, goba se sengwe boka seo. Gomme o fodišitšwe ka kopanong. Gomme monna yo a lego hlogo ye pududu, gomme o bile le a masehla mal- . . . Ke Modiša Mattsson-Boze, yoo a bego a le modiša wa gago ka kerekeng ya Philadelphia, ke moo o tšwago, o go rometše fa bošegong bjo. Yeo ke nnete. Jesu Kriste o a go thakgafatša. Boela morago Chicago, o hlalala. Jesu Kriste o a go thakgafatša.

“Ge o ka kgona go dumela, dilo tšohle di a kgonega.”

371 Go bjang? Re basetsebane seng sa rena. Ga ke go tsebe, eupša Jesu Kriste o a go tseba. A o a dumela gore O kgona go mpha Moya wa Gagwe? E lego, ga ka lekanela bjalo ka modiredi, o a tseba, go, o a tseba. Eupša—eupša ka mpho ka Beibeleng, ye e tshepišitšwego ka matšatšing a mafelelo, “go bušetša Tumelo ya bana morago go botate.” A o a dumela iri e fihlile go seo, le gore bodiredi bjoo bo a šoma ka Kerekeng lehono?

372 Wena, le wena, o tšwa Chicago, gobane ke go bona o eya mokgotheng. Go lebege boka Clark Street, go nna. Yeo ke nnete. Gomme o tlaišega ka atheraithisi, tlaišego ya go fapana ka mmeleng wa gago. O ka kgona go ya morago bjale. Tumelo ya gago e go dira o thakgafale. Modimo a go šegofatše. Sepela, o dumela ka pelo ya gago yohle.

373 A o a dumela gore Modimo o fodiša atheraethisi? Gona eya morago go setulo sa gago gomme o Mo leboga bakeng sa yona. Fodišwa. Fola.

374 A o ka tla pele, mohumagadi? A o ka rata go ya go ja le go ikwela gabotse gape, bothata bjola bja kgale bja mogodu bo ile? Sepela, eja. Jesu Kriste o go dira o fole.

375 Mohumagadi, mohumagadi fale le yo monnyane, a o a dumela Modimo o tla fodiša ngwana yoo? Nka kgona go go botša bothata bja ngwana, eupša nka se kgone go le fodiša. Lebelela mo, morategi. Ke na le mosetsana yo monnyane ntle kua, go no swana le wena. Ke mo tlogela makga a mantši, a lla, boka o le bjale, go ya go bona basetsana ba bannyane. O a dumela Jesu a ka kgona go fodiša bothata bja pelo le go go dira o fole? Etla mo. Etla go nna.

376 Tate wa Legodimong, a nke maatla a Moya wo Mokgethwa bjale a neele, a phološe bophelo bja ngwana yo. Leineng la Jesu Kriste, ke kgopelela bophelo bja gagwe. Amene.

O se e belaele. O se e belaele, kgaetšedi. Sepela, dumela, gomme go tla loka.

Dumela bjale ka pelo ya gago yohle.

377 Etla, mohumagadi. A o a dumela gore Modimo a ka kgona go fodiša bothata bjola bja mohumagadi, bothata bja sesadi, tšhologo e tla ema? [Kgaetšedi o re, “Ee, mohlomphegi.”—Mor.] Boela. E dumele ka pelo ya gago yohle, gomme o fole. O a bona? O a bona?

378 O rata go hema gape, gabotse le go lokologa, le go fediša asma yela ya kgale le dilo? Eya gae gomme o e dumele ka pelo ya gago yohle. O ka fodišwa gomme wa dirwa go fola. Dumela ka pelo ya gago yohle.

379 Modimo o fodiša bothata bja pelo, le bjona. Yeo ke nnete. A o dumela seo? E no boela gomme o re, “Ke a Go leboga, Morena Jesu.” Gomme tumiša Leina la Gagwe, gomme o tla fola.

Leineng la Jesu Kriste, mo fe ye.

380 A le a dumela? [Phuthego e re, “Amene.”—Mor.] Ke ba bakae ba dumelago? [“Amene.”]

381 Go reng ka wena godimo kua ka go leako lela? A o a dumela? A o ntumela go ba moprofeta wa Gagwe, ke—ke ra, mohlanka wa Gagwe? Seo se šitiša batho. Ga ke go tsebe. O no ba mosadi a robetše fale. Ke a bona o godimo ga leako. A o ntumela go ba mohlanka wa Gagwe? Ge Modimo a ka nkutollela seo bothata bja gago e lego, a o tla Mo amogela bjalo ka Mofodiši wa gago? O apešitšwe ke moriti bakeng sa lehu. Go na le moriti wo moso godimo ga gago. Ge o robetše kua, o tla hwa. Ga go dire botse go ya go ngaka; go fedile, bakeng sa bokgole bjo a amegago. Bolwetši bjo bo go bolayago ke kankere. Gobaneng o sa amogele Jesu Kriste bjalo ka Mofodiši wa gago? Phagamela godimo go

tloga go leako la gago, gomme o le tšee gomme o ye gae, gomme o dirwe go fola. A o tla dumela seo? E amogele, gomme o ye gae nako yeo. Phagamela godimo, gomme o e dumele. Gomme o tsogile.

<sup>382</sup> Go reng ka wena ka seatla sa gago godimo kua, le jase yela ye tšhweu godimo? A o ntumela go ba mohlanka wa Modimo? A o a dumela gore Modimo a ka kgona go mpotša gore bothata bja gago ke eng, mohlomphegi? O na le mohuta tsoko wa ditlhaselo. Ke bolwetši bja go wa dihwahwa. Ge yeo e le nnete, phagamiša seatla se sengwe. Bjale Mo dumele, ka pelo ya gago yohle, gomme o ka se tsoge wa ba le tlhaselo ye nngwe. Ke a go hlohla go e dumela.

<sup>383</sup> Monna yo a dutšego mo a ntebeletše, ka hempe... a lebeletšego thwi godimo mo. O tlaišega ka bothata bja pelo. Ga ke go tsebe, eupša yeo ke therešo. A yeo ke nnete? A nke ke go botše gape. O modiredi. O na le dikereke tše o di etelago. Go lebega o ka re ke mohuta wa morafe wo moso wa batho. Ke Mexico. Yeo ke nnete. O kgahlega gohle ka yo mongwe. Yoo ke mosadimogatša a dutšego fale hleng le wena. A o a dumela gore Modimo a ka kgona go mpotša gore bothata bja gagwe ke eng? Nka se kgone go mo fodiša, eupša ge nka kgona go go botša bothata bja gagwe, a o tla dumela bakeng sa phodišo ya gagwe? Ke sefoa ka ditsebeng tša gagwe. Bea diatla tša gago godimo ga ditsebe tša gagwe, gomme dumela ka pelo ya gago yohle, gomme a ka fola.

<sup>384</sup> Ke ba bakae ba tla dumelago selo sa go swana? [Phuthego e a hlalala—Mor.] Amene. Beang diatla tša lena godimo ka moyeng, gomme le amogele Jesu bjalo ka Mofodiši wa lena.

<sup>385</sup> Lena ba le Mo dumelago, le sego la ke la phološwa, gobaneng le sa tle godimo aletareng feela bjale? O rile o nyakile go ba le maikutlo ka pelong ya gago boka o dirile, boka tshepe yela ya mme e dirile. O nyaka go Mo amogela bjalo ka Mophološi wa gago? A o ka tla godimo mo bjale le go ema go dikologa aletara, le go ntumelela go rapela le wena ge o sa le ka Bogoneng bja Gagwe? Ba bantši ba lena mo, ba swanetše go tla le go ema mo. Ge o nyaka go amogela Kriste bjalo ka Mophološi wa gago, etla thwi bjale. A o tla e dira?

Modimo a go šegofatše, mohlomphegi. Modimo a go šegofatše. Seo se lokile.

<sup>386</sup> Yo mongwe gape o nyaka go Mo amogela? Ka Bogoneng bja Gagwe, o ya go tsoge wa fihla bjang bokgauswi bjo bo itšego go Yena? Ge A—ge A ka kgona go mpotša se bothata bja gago e lego sona, O mpotša gore o a Mo hloka—o a Mo hloka. Etlā godimo thwi bjale. Wena yo a se nago Yena, etla bjale gomme o Mo amogele bjalo ka Mophološi wa gago wa sebele. Ema mo ka Bogoneng bja Gagwe. E ka ba mang o lego, ge o le moleloko wa kereke, ga go kgathale se o lego, ge o se wa be wa loka le

Modimo, ke a le kgopela, le go hlohla, Leineng la Jesu Kriste, etlang pele bjale pele re fetša mothalo wo wa phodišo, thwi ge Moya wo Mokgethwa o sa le mo, moo nka kgonago go rapela thapelo ya tumelo. Ge A ka nkwa, go fodiša balwetši, ka kgonthe O tla nkwa go phološa balahlegi. Lena ba le Mo nyakago bjalo ka Mophološi wa lena, etlang pele bjale Leineng la Jesu. Sepelelang pele bjale gomme le eme godimo go dikologa aletara mo bakeng sa thapelo, feela ka nako ye.

<sup>387</sup> Morena a le šegofatše. Ke rata seo. Banna le basadi, ka tlase ga kgodišo, Moya wo Mokgethwa Yenamong go ba tliša thwi ntle le go ba tliša tlase aletareng.

<sup>388</sup> Lena ba le dumelago se go ba bo—bo bohlatse bja tsogo ya Jesu Kriste ka go matšatši a a mafelelo, gore, Beibele e tshepišitše sona selo se. Gore, e ka se kgone go ba nna; ke nna motho. Ke Mophološi wa gago. Ke a le botša, ke Jesu Kriste. Ka seatla sa ka go Lentšu, ke Jesu Kriste, Morwa wa Modimo. Go Tla ga Gagwe go kgauswi kudu go fihla A iponagaditše ka Boyena ka botlalo bja maatla a Gagwe magareng ga batho ba Gagwe.

<sup>389</sup> Ge o bile le dipelaelo le dikgakanegokgolo, o no ba leloko le bolelo la kereke, etla bošegong bjo gomme o tlatšwe ka Moya wo Mokgethwa ge Moya wo Mokgethwa Yenamong a sa le mo, a laetša dinetefatšo tša go se ganetšege, ka Lengwalo, gore O mo. Ke Yena. Etna bjale, soulo ye nngwe le ye nngwe ye e nyakago Jesu Kriste ka bophelong bja gago. Etna pele bjale gomme o Mo amoge. Etna bjale.

. . . go a kgonega, dumela feela.

<sup>390</sup> Ge re sa e opela, a le ka se tle bjale? Oo! “Dumela feela” eng? Dumela feela Therešo ya Beibele, se o se boditšwego. Šo Yena, o a E netefatša. Gobaneng A mpoditše, thwi ka bogareng bja tirelo yela ya phodišo? Gobaneng A mpoditše ka go tirelo yela ya phodišo, “Biletša batho aletareng”? E ka no ba sebaka sa yo mongwe sa mafelelo. Ga ke tsebe. Selo se nnoši ke se tsebago, ke, go obamela Moya.

. . . dumela feela;

Dumela feela, dumela feela,

Dilo tšohle di a kgonega, dumela feela.

Morena, ke a dumela, O Morena, ke a dumela,

Dilo tšohle di a kgonega,

<sup>391</sup> Go lokile, banešu badiredi, thwi tlase fa, thwi tlase ka tsela ye.

. . . dumela . . .

Sekgala se tee sela, ngwanešu. Eya thwi tlase. A nke bašomi ba sebele ba kgobokane go dikologa bjale. Re ya go rapelela batho ba.

. . . Ke a dumela, O Morena, ke a dumela,

Dilo tšohle di a kgonega,

<sup>392</sup> “A go a kgonega go nna go amogela Moya wo Mokgethwa boka ba dirile ka Letsatši la Pentecost?” Nnete, ge o e dumela.

. . . dumela.

Dumela feela,

<sup>393</sup> A o nyaka boitemogelo bja kgonthe bja lerato la Modimo, boka tshepe yela ya mme ya kgale e bile bakeng sa lesea? Ge boitemogelo bja gago bo se ka mokgwa woo, o a hlalelwa. Etna pele. Ge o nyaka go bonagatša Jesu Kriste ka bophelong bja gago, etla pele. O se sa bapala kereke gape.

<sup>394</sup> Iri e mo, ga ra swanela go raloka ka selo se segolo se seo Modimo a re filego sona, dikgonthišišo tša go se ganetšege tša Jesu Kriste a phela lehono ka morago ga mengwaga ye dikete tše pedi kgole. A o ka se tle? Kereke e amogela mpho ya yona ya mafelelo. Se ke selo sa mafelelo se tla tlogo go Kereke pele ga go Tla ga Kriste, go ya ka Lentšu la Modimo. Jesu o rile, “Bjalo ka ge bile ka matsatšing a Loto, go tla ba bjalo ka go Tleng ga Morwa wa Modimo.” Ke rena ba.

<sup>395</sup> Etna, a o ka se ke, soulo ye nngwe le ye nngwe yeo e sa Mo tsebego, soulo ye nngwe le ye nngwe yeo e lego pelaelo bošegong bjo? O se dumelele sebakabotse se sebotse se go go feta. A o ka se tle bjale le go emela thapelo ge re kgobokana go dikologa lefelo le? Yeo ke nnete. E no tšwelapele o etla. Rena, re nyaka go le bona, yo mongwe le yo mongwe yo a . . . Re letile feela nakwana, gobane ka therešo ke ikwela go ne bontši fa bo swanetšego go tla, ga go kgathale ke kereke efe o tswalanago le yona. Ga re go kgopele bakeng sa boleloko bja kereke. Re go kgopela go tla, amogela Kriste. A o ka rata go amogela Modimo yo a tsebago diphiri tša pelo, yo a ka kgonago go e utolla thwi mo boka A dirile, yo a tsebago tšona dikgopolo tše o di naganago, gomme a ka kgona go di hlatholla go wena, bjalo ka ge A dirile ka matsatšing a a fetilego? Bjale, Morena a šegofatše.


<sup>396</sup> Bjale, ge ba ba sa le go dikologa aletara, gomme ge ba bangwe ba sa tla, a nke bao ka go batheeletši ba eme feela nakwana bjale, ge re sa ya go rapela. Bjale, lena ba le babjago ntle kua bao mohlomongwe le bego le se ka mothalong wa thapelo, le beana diatla seng sa lena. A nke bašomi bohle ba sebele le badiredi ba bee diatla godimo ga batho ba mo.

<sup>397</sup> A le komana? A le bone se sengwe seo e lego sa kgonthe? A se sengwe se huduile pelo ya gago? A se sengwe se bile kgonthe go wena, ka pela, go tseba gore Jesu Kriste o a phela bošegong bjo?

<sup>398</sup> Bjale a re inamišeng dihlogo tša rena, gomme motho yo mongwe le yo mongwe a rapele ka tsela ya gago mong. Elelwang, go na le dimilione tša dithapelo di yago godimo go dikologa lefase gonabjale. Modimo o kwa ye nngwe le ye nngwe ya tšona, gobane Yena ke mohlomagomo. Rapela bjale bjalo ka ge o dira ka kerekeng ya gago mong. Rapela go Modimo go lebalala dibe tša gago. Mo rapele gore a go tlatše ka Moya wo

Mokgethwa. Rapela go Modimo go go fodiša. Yeo ke nnete. Moya wo Mokgethwa o wela magareng ga lena ka mokgwa woo le go le fa phenyo ye kgolo le tokologo.

<sup>399</sup> Tate wa Legodimong, re tliša batheeletši ba go Wena feela bjale. A nke maatla a magolo ao a tsošeditšego Jesu Kriste godimo go tšwa lebitleng, a nke a phediše kereke ye feela bjale. A nke phodišo e tle. . . A nke motho yo mongwe le yo mongwe a babjago a lokollwe go tšwa go maatla a Sathane. A nke soulo ye nngwe le ye nngwe ye e lahlegilego e phološwe, gomme motho yo mongwe le yo mongwe a phološitšwego a tlatšwe ka kolobetšo ya Moya wo Mokgethwa. E fe, Morena.

<sup>400</sup> Rapela boka o sa nka wa rapela pele. Rapela boka o be o ehwa, boka ke motsotso wa gago wa mafelelo, gomme Modimo o tla e fa. 

63-0605 Yo Mogolwane Go Salomo O Fa  
Ramada Inn  
Tucson, Arizona U.S.A.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)



## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)